

# KGOŠIGADI YA SEBA



...inamišeng dihlogo tša rena bjale feela nakwana ya thapelo, pele re thoma karolo ya pejana ya ditirelo.

<sup>2</sup> Tate wa rena wa Legodimong, re a leboga, ka nnete, bakeng sa monyetla wo mobotse wo go kgobokana renabeng mmogo ka go Sabatha ye ya go ratega mantšiboa go rapela Wena, le go Go fa ditebogo le tumišo bakeng sa tšohle tšeo O re diretšego. Re lebelela morago go theoga mohlala wa bophelo bja rena, re kgona go bona dilo tše dintši tšeo botho bja Gago bo re filego, seatla sa Gago sa kgaogelo ka nako ya bothata, gomme re a Go leboga bakeng sa sona.

<sup>3</sup> Re a rapela, Morena, gore O tla amogela ditebogo tša rena bošegong bjo. Gomme ge re eya ka go tswaleleng ga tirelo ye nnyane ye, ya mašego a mararo, re nyaka go Go leboga bakeng sa tšohle O re diretšego, bakeng sa bogolo bja Bogona bja Gago, bakeng sa diponagalo tša Moya wo Mokgethwa, le bakeng sa tlala le lenyora la bana ba Gago. Morena, go ngwadilwe, ge re kgopela borotho, re ka se hwetše leswika; ge re kgopela hlapi, re ka se hwetše sephente. Wena o re file se, gore re nyoretšwe Borotho bja Bophelo. O Morena, re fepe ka botho bja Gago le kgaogelo ya Gago. Re lebelele dibe tša rena le dikarogo tša rena kgahlanong le Wena.

<sup>4</sup> Re a rapela, Morena, gore ka baka la kgobokano ye nnyane ye, gore e tla thoma lenyora le le bjalo ka toropongkgolo, le tikologong go dikologa, gore go tla ba le tsošetšo ya fešene ya kgale e phulegago ntle go kgabola toropokgolo le go ya go kgabaganya setšhaba. E fe, Morena. Re kwe ge re rapela. Gomme ge re bala Lentšu le go bolela ka Morena Jesu, re a rapela gore O tla bula pelo ye nngwe le ye nngwe.

<sup>5</sup> Re ka se lebele bao ba babjago le go tlaišega, gomme ba hloka bjalo, bošegong bjo, Morena, ka maatla a Gago a phodišo. Ba bangwe ba bona, bomatwetwe ba Gago ba go ratega fa ba lefase ba dirile tšohle ba kgonago go ba direla, gomme ba bofelong bja tsela, kafafo ge go bolelwa. Eupša Wena, O Morena, Wena o go dula ga rena, Wena o Botšhabelo, yona Thušo ye e lego gona ka nako ya bothata, re na le ditokelo difiwa ke Modimo le monyetla go bitša godimo ga Gago. Re a rapela gore O tla fodiša balwetši bošegong bjo. Ka dipetlele, bao ba hlapogelwago, re a ba rapelela, gore O tla ba fodiša le bona, Tate. Hwetša letago go Wenamong.

<sup>6</sup> Gomme ge re tlogela tirelo bošegong bjo, a nke re bolele boka bale ba tšwago Emause, “A dipelo tša rena ga se tša swa ka gare ga rena, ge A be a bolela le rena tseleng?” Ka gore re a e kgopela, ka Leina la Jesu. Amene.

7 Le ka dula. Go no ba boitsholo bjo botee bošegong bjo, gore ye ke tirelo ya mafelelo ya kopano ye nnyane ye. Eupša ge e le thato ya Morena le tlhologelo ya batho, ke tla rata go tla morago Tifton nako ye nngwe bakeng sa kopano ge re ka ba le nako ye ntši go dula.

8 Ke nyaka go bolela gore batho bafe ke kopanego le bona ge e sa le ke eba fa e bile ba bangwe ba batho ba ba bosebose nkilego ka kopana le bona bophelong bja ka. Ga ke bolele seo go ba reta, ke e bolela feela gobane e ka pelong ya ka gomme ke therešo, batho ba go ratega, ba bakaone.

9 Le a tseba, ke a tseba gore tše dingwe tša dipelo tša go rereša kudu tše di rethethago di ka tlase ga hempe ya kgale, ye bolou, mohlomongwe ka segaswa go yona, eupša fao ke mo o kopanago le banna ba kgonthe. Ke thabile kudu go kopana le mohuta woo wa batho.

10 Ke nyaka go leboga yo mongwe le yo mongwe wa lena bakeng sa botho le tirišano ya lena. Go bile selo se tee ba se dirilego, seo ke sa dumelelanego le sona, eupša seo se bile bošego bja go feta go tšeeng moneelo bakeng sa ka. Gomme ba tšere lekgolo le *metšo* ya ditolara, lesomešupa, lekgolo le lesomešupa la ditolara, goba se sengwe, ba o tlišitše go nna; ga ke tsebe mokgwa wa go o tliša morago go lena. Le a bona? Ga—ga se ka tlela morero woo, ga se ka ke ka tšea moneelo ka bophelong bja ka. Tšhelete ga se tabakgolo, ke soulo ya gago, ke bobotse bjo re ka bo dirago.

11 Ke bile ka bodireding mengwaga ye masometharo, ke nna mokgalabje, gomme ga—ga se ka ke ka tšea moneelo wa ka wa mathomo le bjale. Gomme ge nkabe ke tšere meneelo, ke be nka, goba ka tšea tšhelete ya batho, mohlomongwe nkabe. . . Ke bile le nako ye nngwe go mpha ditolara tše milione o tee le seripa ka nako e tee go tšwa go Mission Bell Winery, Mna. Arakelian, mong wa yona, mogatšagwe a fodišitšwe kankere. Ke ile ka gana le go lebelela tšheke, goba, tšhelete ya go ngwalwa. Ke be ke tla nyaka eng ka milione, seripa sa ditolara? Go ne selo se tee feela nka kgonago go se dira ka yona: Go e aba. Gomme ge nka e tšea, e lefišwa motšhelo, mmušo o tšea karolo ye kgolokgolo ya yona pele nka kgona go e aba.

12 Kafao, le a bona gore ga re nyake tšhelete, re no nyaka le dumele Modimo, dumelang Beibele gomme le phele gabotse, gobane tšohle re nago le tšona mo lefaseng le, re ya go robala fase, ra le tlogela le lengwe la matšatši a, e no ba dilo tše o lego tša Gosafelego tše di lego bohlokwa.

13 Kafao, eupša go beng gore e filwe, lekgolo le metšo, ditolara tše lesomešupa, se sengwe, baena ba mpoeditše, ke a le leboga, bagwera ba ka ba bohlokwa. Ke tla tšea yeo thwi ka go otlologa go ya mašemong a boromiwa go fepa bana tsoko ba swerwego ke tlala, go ba bona ba robetše mokgotheng ka dimpa tša bona tše dinnyane di kokomogile ka tlala. Ke dira se sengwe le se

sengwe nka kgonago go se dira se šome. Gomme ka Letšatši leo ge meputso e fiwa, o tla bona moo e ilego. Modimo ka mehla a le šegofatše. Yeo ke karolo ya bophelo bja lena ye re e abelanago le ba bangwe.

<sup>14</sup> Ke nyaka go leboga badiredi. Ke a nagana *wo* ke mothalo wa bona, e ka ba kae ba lego, bakeng sa tirišano ya bona ye kaone mo matšatšing a mararo a, e nyakile e sa šetšwe. ke na le mafelo a mararo, goba a mane, a mahlano gape a ona, feela a manyane pele ke eya bokagodimo ga mawatle bakeng sa leeto la lefase ka bophara: Afrika, le Asia, le Yuropa, le go dikologa lefase. Ke a le leboga, baena ba ka, bakeng sa tirišano ye kaone ya lena.

<sup>15</sup> Ge re ka tsoge ra tla morago, re tla tla pele le go botšiša lena bohle baena le go hwetša ge le se ne dikopano e ka ba dife di kगतlampanago, gomme mohlomongwe ra tla le go hloma tente ka ntle ga toropokgolo, goba se sengwe boka seo, gore re kgone go dula nako ye telele; gomme rena bohle mmogo, re šoma mmogo, bakeng sa morero o tee wo mogolo: Morena Jesu.

<sup>16</sup> Yeo ke tsela e nnoši re ka tsogego... Re ya ka ditoropongkgolo, e swanetše go ba ti—ti tirišano le dikereke tšohle, Methodist, Baptist, Presbyterian, Pentecostal, Nazarene. Ka kgonthe le ka kgona go tla mmogo bakeng sa tsošetšo bakeng sa go phološa disoulo. Gomme ke a dumela re ka kgona ge re ka no rapela le go kgopela Morena.

<sup>17</sup> Ka gona ke nyaka go leboga kgorotsheko bakeng sa lefelo le. Re—re be re no ya go wela kgauswi; gomme re ile ntle ka nageng mo go ngwanešu yo mongwe yo bohlokwa yoo a re dumeletšego go ba le kereke ya gagwe, batho ba be ba eme ka go tonyeng. Gomme ka gona ba e fetotše thwi ka pela, le go e tliša mo. Gomme bošegong bjo, ke lemogile dikoloi gohle godimo le tlase mokgotheng fa le batho ka go tšona, ba eme ntle morago ka morago, tlase ka diholong, ga se ba kgone go tsena. Gomme kafao re leboga kgorotsheko bakeng sa tirišano ya bona ye kaone.

<sup>18</sup> Yo mongwe o rile lehono, nna, ke no tsopola yo mongwe gape, gore moahlodi o tlile gomme o rile, “Gabotse, ge o hloka sekgoba se sengwe gape, goba o ka no hloka ofisi ya ka, sekgonyo *sese*.”

<sup>19</sup> Ke nno lekeletša jase ya ka ka ofising ya Moahlodi. Modimo a šegofatše monna yola. Ke a rapela gore kgorotsheko ya gagwe ya toka e tla... gomme o tla ba, go direla gabotse kudu gore ka Letšatšing leo ge a swanetše go ema pele ga Moahlodi wa lefase gomme ditshekišo tša kgorotsheko ya gagwe di tlišwa pele ga gagwe, gore Mong, Moahlodi yo mogolo, o tla re, “Go dirilwe gabotse, mohlanka wa ka yo botse le go botega.” A nke Morena a le šegofatše bohle.

<sup>20</sup> Go kweng mabopaki, mantšiboa a go feta ke file bopaki bja ngwanešu tsoko yo a kopanago le nna mokgotheng ka... o mpoditše gore mosetsana wa gagwe yo monnyane a na le leihlo la gagwe le ngwapilwe. Gomme ke tlile le go e bušetša thwi

ka morago ga gagwe mo bošegong bja go feta, ke sa tsebe gore o boletše e ka ba eng ka yona.

<sup>21</sup> Billy o be a mpotša, ke a dumela, ka baratani tsoko bao a kopanego le bona bao ba nago le sekolo sa Assembly of God, ntle fa. Morwa wa ka o ile Waxahachie sekolo sa Assembly of God ka Texas, Waxahachie, Texas. Gomme ba be ba . . .

<sup>22</sup> Mosetsana yo o boletše mengwaga ye mentši ya go feta, mosadi, mogatša mošemane, modiredi, gore ge a be a le mosetsana yo monnyane bjalo, feela yo monnyane, serathana se sennyane, gore ba mo tlišitše Pensacola, ke a dumela e be e le, moo re bego re ne kopano. Gomme ke be ke rapetše go fihla ke se sa kgona go ema gape. Makga a mantši ke lapa *kudu*, dipono di tla tloga, gomme ke—ke tla no swanela go ema, gomme badiredi ba be ba phagamiša seatla sa ka le go se bea godimo ga batho ge ba be ba feta.

<sup>23</sup> Gomme o rile o bile le dialesa tše dintši kudu. Kafao go be go naganwa gore a ka se kgone go phela. Gomme mmagwe a mo tliša, ka tšea seatla sa gagwe gomme a se bea godimo ga seatla sa ka, o ile a feta, dialesa di ile tša tloga, gomme o no ba go phelega ka go phethagala. Le a bona, e be e se seatla sa ka seo se e dirilego, seo ga se se be le selo go dira le yona, e be e le tumelo ya mme, tumelo ya gagwe ka go Modimo. Jesu o rile, “Ga se Nna yoo a dirago mediro, Ke Tate, o dula ka go Nna, O dira mediro.”

<sup>24</sup> Gomme o tla hwetša feela go tšwa go Modimo dilo tše o di letetšego go tšwa go Modimo ka tsela ye o batamelago Modimo, o Mmatamela ka tlhomphokgolo, ka tumelo. Lentšu le lengwe le le lengwe ke therešo.

<sup>25</sup> Bjale, go na le disakatuku di letše fa ke nyakago go di rapelela. Bjale, bontši bja lena, le tseba Mangwalo ka seo. Makga a mantši, badiredi ba tlotša disakatuku tšela ka oli le go di romela go batho; seo se lokile ka go phethagala. Ke a dumela gore eng kapa eng Morena Jesu a tla e šegofatšago, ke no ba wa yona. Eupša, ka Mangwalo, ka Beibeleng Paulo ga se a tlotša disakatuku, ba tšere go tšwa mmeleng wa gagwe disakatuku le dithethwana.

<sup>26</sup> Ke a dumela Paulo o be a le wa motheo. Le tseba mo ke naganago o hweditše seo ka Lengwalong? Moo Elisa a rometšego, goba, Eliya, o rometše lepara ka mohlanka wa gagwe, Gehasi, gomme o rile, “Le bee godimo ga lesea.”

Eliya o tsebile gore se sengwe le se sengwe a se kgwathilego se be se šegofetše. Gomme kafao yena, lepara leo a tla—a tla sepelago le lona, o rile, “Eya o bee leo godimo ga lesea.”

<sup>27</sup> Eupša tumelo ya mosadi e be e se ka go lepara, e be e le ka go moprofeta, kafao o be a ka se mo tlogele go fihla moprofeta a beile mmele wa gagwe mong godimo ga lesea, gomme lesea la tla bophelong. Go ya le gore tumelo ya gago e letše kae.

28 Eupša ka go disakatuku, ke elelwa ka Afrika Borwa leetong la mafelelo ka Cape Town, gomme ke be ke le fao, gomme ke a dumela e be e le lesome goba lesomenne la mekotla ya disakatuku le mangwalo; gomme e be e le a magolo, ao re a bitšago, masaka a bjang, mekotla ya masaka. Gomme mongwadi ka lephepheng o rile, “Ngwanešu Branham ke yena wa tumelokhwele, o be a rapelela disakatuku.” Go no se tsebe Lengwalo, ka nnete.

29 Eupša re thakgetše go rapelela tše, gomme ge o sa—o se ne se tee godimo fa, gomme o ka ntle ga moago, goba e ka ba eng, ge o duma ke rapelele se tee, e no nngwalela. Ga ke leke go hwetša aterese ya gago, ga re rekiše selo, ga go kgašo ya seyalemoya, ga go selo, ga go selo le gannyane, ke mahala ka go felela. Feela e ka ba eng re ka kgonago go e dira go go thuša go dira bophelo bokaonana gannyane bakeng sa gago, ra dira tsela, mafelo a makgwakgwa, go otlologa gannyane, seo ke se re lego mo ka sona. E no re ngwalela: Jeffersonville, Indiana, re tla se romela go wena ka pela ka fao re ka kgonago.

30 Bjale, ge ke fošitše e ka ba eng, ngwanešu yo monnyane yoo a bapetšego mmino, le ba go fapana, le badiredi, Morena a le šegofatše wa go huma bakeng sa botho bja lena, le se sengwe le se sengwe. Ge ke fošitše yo mongwe, gabotse, ga se ke re go dira. Morena a be le lena bohle.

31 Gomme ke ya go le kgopela tšhokelo e tee, yeo ke godimo ka Afrika le India moo re emego fale moo go lego dingakabaloi makga a masomepedi bontši go feta go le ka moagong wo bošegong bjo, gomme ba fale ba leka go lahlela meleko go wena, le se sengwe le se sengwe, bokaone o tsebe se o bolelago ka sona, bokaone o be le nnete gore O go romile, eupša ge diphefo di foka go fiša le go ba boima, ke ka tlase ga kgatelelo ye ntši, a nka kgona go be ke nagana ka Tifton, Georgia, gore batho ba a nthapediša? A le tla be le dira seo? Ke a le leboga.

32 Morategi Tate wa Legodimong, ke a rapela gore O tla re thuša bjale ge re eta mmogo. Ba bantši mo bošegong bjo, nka se tsoge ka ba bona gape. Ge nka bowa morago mo dikgweding tše tshela, lešaba boka le le batho ba go tšofala, ebile le baswa bao ba ka bolawago ka dikotsing, go tla ba yo mongwe a sego gona, nka se tsoge ka ba bona gape go fihla Kahlolong. Ke a rapela, Morena, gore go se be le motho yo motee a sego gona, gore bohle ba tla ba gona ka tlase ga Madi a Morena Jesu, ba komana go ya ka Bophelong bjo Bosafelego le Yena go ya go ile.

33 Re thuše bjale ge re bula Lentšu. Re lemoga gore Lentšu ke Lentšu la Gago, gomme Lona ga se la tlhathollo ya sephiri. Moya wo Mokgethwa o ngwadile Beibele, kafao re a rapela gore Moya wo Mokgethwa o tla hlatholla ditlhalošo tša Mangwalo go rena bošegong bjo ka tsela ye e lego gore A ke a bjale Peu ya Beibele ka pelong ye nngwe le ye nngwe, gore ge tirelo ye e tla be e fedile,

gore motho yo mongwe le yo mongwe o tla amogela seo ba se tlelago. Ka gore re a se kgopela, Leineng la Morena Jesu. Amene.

<sup>34</sup> Ke maswabi gore batho, gore ba eme, ga go lefelo go dula fase go theetša; o tla iketla le go kgona go tšwela ka ntle ga tirelo kudu, ka nnete. Eupša go lena ba le nago Dibeibele tša lena bjale, gomme ka botho le rata go latela Mangwalo, phetlang le nna go Puku ya Mokgethwa Mateo tema ya 12, gomme re tla—re tla thoma go tloga go tema ya 12 go temana ya 38 bakeng sa feela karolo.

*Ka gona ba bangwe ba bamangwalo le Bafarisei ba arabile, ba re, Mong, re rata go bona leswao go tšwa go wena.*

*Eupša o fetotše gomme o rile go bona, Moloko wo mobe le wa bootswa o nyaka . . . leswao; gomme go ka se be leswao . . . le filwego go ona, eupša leswao la moprofeta Jona:*

*Ka gore bjalo ka ge Jona a bile matšatši a mararo le mašego a mararo mpeng ya hlapikgolo; kafao Morwa wa motho o tla ba matšatši a mararo le mašego a mararo ka pelong ya lefase.*

*Banna ba Ninife ba tla tsoga ka kahlolong le moloko wo, gomme ba tla o ahlola: gobane ba sokologile ka thero ya Jona; gomme, bonang, yo mogolwane go Jona o fa.*

*Kgošigadi ya borwa e tla tsoga ka kahlolong le moloko wo, gomme o tla o ahlola: ka gore o tlile go tšwa dikarolong tša kgolekgole tša lefase go kua bohlae bja Salomo; gomme, bonang, yo mogolwane go Salomo o fa.*

<sup>35</sup> A nke Morena a oketše ditšhegofatšo tša Gagwe palong ya Lentšu la Gagwe.

<sup>36</sup> Re hwetša Jesu bošegong bjo, ge re sepelela ka gare godimo ga lefelotiragalo la thero ya Gagwe le polelo ya Gagwe go batho, O be a tshwenyegile gannyane ka batho, ka lebaka la ditoropokgolo tšeo A bilego ka go tšona gomme o be a rera le go ba laetša leswao la Bomesia bja Gagwe, ka mokgwatebelelo wo ba o tšerego go yona.

<sup>37</sup> Mantšiboeng a go feta re boletše ka, “Leswao la Mesia e be e le eng? Ke mohuta ofe wa leswao le tla bago?” Le ka fao batho ba bego ba swanetše go tseba, le ka fao A filego leswao lela go Bajuda, gomme bao ba bo amogetšego ba bile le Bophelo bjo Bosafelego; bao ba le gannego ba lahletšwe kgole ka go kahlolo go karogano ya gosafelego go tloga Bogoneng bja Modimo.

<sup>38</sup> Ka gona re hwetša gape gore O ile Samaria. Gomme Basamaria ba amogetše leswao lela bjalo ka ge A boletše le mosadi le go mmotša ka seemo sa gagwe, gomme Basamaria ba dumetše bopaki bja mosadi. Jesu ga se a dira mehlolo e ka ba efe ka Samaria, gobane re hwetša moragwana gore Filipi o ile tlase

ka morago ga Pentecost, gomme fale a fodiša balwetši. Jesu o e aletše legogwa.

<sup>39</sup> Gomme ge le ka hlokomela, go tlabo kudu ka go la pele, goba, Lengwalo la go feta la sehlogo se bošegong bjo ge A be a tšopola Jesaya, moprofeta, ka fao gore Jesaya o boletše gore O tla ba Seetša go Bantle. Seo se itlhaotše kudu, ka gore lona leswao le A bego a le laetša le be le le, ka mokgwa wo mongwe, ka go Ngaka Scofield, ka Beibeleng ya gagwe, mengwalong ya ka tlase, o akanyetšapele gore e tla ba ka letšatšing la mafelelo ge Bantle ba tla amogela leswao la Mesia.

<sup>40</sup> Kriste, go beng Mesia, ga se ba e hwetša ka matšatšing a bona. Re bile feela le letšatši la thutamodimo. Re tsena ka mpshafatšong ya Luther. Maprotestant le Makatoliki ba tsene ka morago ga e ka ba mengwaga ye makgolotshela, goba, mengwaga ye makgolotharo ka morago ga lehu la moapostola wa mafelelo, ba šitilwe go hwetša leswao la Bomesia, nnete ba be ba le Baroma le maAnglo-Saxon. Gomme bjale, eupša ka fa Jesaya o boletše gore e tla ba bakeng sa Bantle mo matšatšing a mafelelo.

<sup>41</sup> Eupša Jesu o be a kgala batho ba, ka baka la gore ba ganne go kwešiša Mangwalo ka dikereke tšohle tša bona tše kgolo, le baetapele ba bona ba bagolo, ba maatla, dithuto, baprista ba lešika le le itšego la baprista, banna ba bakgethwa bao go sego motho a ka kgonago go bea monwana go maitshwarohlephi a bona goba bophelo bja bona. Eupša go le bjalo, ka go seo, seo sohle, ba paletšwe ke go bona selo sa nnete. Bjale, ge bobotse le kgaogelo, ge eba go phela bokgethwa le toko go thabiša Modimo, gona O be a swanetše go amogela Bafarisei.

<sup>42</sup> Eupša, le a bona, mogwera wa ka yo bohlokwa, sebe ga se go phela bohlaswa, sebe ga se go nwa wisiki, sebe ga se go dira bootswa, o dira seo gobane ga o modumedi, tšeo ke ditholana tša gosedumele. O dira seo gobane ga o modumedi. Eupša ge o le modumedi, ga o dire dilo tšeo.

<sup>43</sup> Kafao, go ne sebe se tee feela sa setlogo, gomme seo ke gosedumele. Lengwalo le re, “Yo a sa dumelego o šetše a ahlotšwe.” Ebile ga o kgone go fihla go motheo wa pele, o ahlotšwe pele o thoma, ge o se modumedi ka go Lentšu le lengwe le le lengwe la Modimo, ka gore ge Moya wo Mokgethwa o le ka go wena, o modumedi, gomme Moya wo Mokgethwa wo o ngwadilego Beibele o tla re, “Amen,” go tšhepišo ye nngwe le ye nngwe, se sengwe le se sengwe seo Modimo a bolelago O tla se, “Amena,” morago.

<sup>44</sup> Eupša ge Moya wo Mokgethwa o se ka go wena, gomme o no ba ka bohlale o hlahlilwe. . . Yeo ke se nago selo kgahlanong le yona, tlhahlo ya bohlale, go tsena sekolo, kholetše, seo se a makatša ge o na le Moya wo Mokgethwa le seo go thekga se o bolelago ka sona, le a bona. Eupša bjalo ka ge Lengwalo

le boletše ka matšatšing a mafelelo, “Ba na le sebopego sa bomodimo gomme ba gana maatla a bjona.” Le a bona?

45 Bjale, Jesu o kopane le mohuta wo wa batho, gomme leswao le filwe go bona, gomme ba e beile legorong bjalo ka moya wo mobe o e dirago. Ba rile, “Monna yo ke Beletsebubu,” ka go tema ya go swana yeo ke sa tšogo e bala, “monna yo o dira se, ke mmolelelamahlatse.”

46 Beletsebubu e be e le diabololo, gomme mang kapa mang o a tseba gore go bolelelamahlatse ke ga diabololo. Eupša, le a bona, ke moya. Gomme Beibele e a re ruta, gore ka matšatšing a mafelelo gore meboya yela e tla batamelana kudu e tla fora le bona Bakgethiwa *ge* go kgonega. Eupša ba šetšeng ka kenya ye ba e enywago, babolelelamahlatse ba ntle fale mo mokgotheng ba dira tšhelete, gomme ba a thankano, gomme ba tšea go bala monagano le saekolotši ya monagano; eupša maatla a Modimo a rera Ebangedi, le go sebotša ka hele ye e lego pele ga lena, le Legodimo go ya go lona, le go biletša badiradibe tshokologong, le go fodiša balwetši, le go dira dilo tše botse. Gona, “Le tla ba tseba ka dikenywa tša bona.”

47 Eupša banna ba ga se ba kgone go fa karabo go kereke ya bona. Selo se be se dirilwe, gomme—gomme go be go le se sengwe sa phošo, gomme ba ile ba swanela go fa karabo, kafao ba nno e beela kgole, gomme ba rile, “Gobaneng ke mokgoma wa bodiabololo bohle.”

48 Jesu o rile, “Ke le lebalela bakeng sa yona, go bolela lentšu lela kgahlanong le Nna, Morwa wa motho, eupša ge Moya wo Mokgethwa o tlile,” o šupa morago go Jesaya, Lengwalo la Bantle ka matšatšing a mafelelo, “lentšu le tee kgahlanong le Wona le ka se tsoge la lebalelwa ka go lefase le—le, goba lona le le tlogo.” Kafao go a re swanela ka matšatšing a a mafelelo gore ge re bona diponagalo tša go se tlwaelege, re hlokomele, re e bee godimo ga Lengwalo, gomme ge Modimo a boletše bjalo, gona o e dumele; ge A se a e bolela, gona hlokomela ka kgonthe ge e se ka Beibeleng le tshepišo ya Modimo.

49 Bjale, Modimo, ka go meloko yohle, ka mehla ga se nke a ke a ba ntle le hlatse, ka mehla O bile le hlatse felotsoko, le ge e ile fase nako ye nngwe, mohlomongwe, go motho o tee, eupša Modimo ka mehla o na le gomme ka mehla o tla ba le hlatse, yo mongwe A ka kgonago go bea seatla sa Gagwe godimo ga gagwe. Gomme Jesu o be a le hlatse ya Gagwe mo letšatšing leo. Gomme hlatse ya Gagwe lehono ke Moya wo Mokgethwa, hlatse ya Modimo mo lefaseng.

50 Bjale, re hwetša gore ba be ba gana Jesu. Gomme Jesu o be a bolela ka fao ba gannego dihlatse tše dingwe, le go akanyetšapele gore ba tla be ba sa e gana mo matšatšing a a tlogo. Eupša go tla ba ba bangwe bao ba tla e amogelago. “Kgoro ke ye e pitlaganego, gomme tsela ke ye tshese, gomme ke ba ba sego nene

bao ba tlogo go e hwetša. Gobane tsela ke petleke, ye e išago tshenyegong, gomme ba bantši ba tla ya ka yona.”

<sup>51</sup> Gomme O šupile morago, re a lemoga, go banna ba Modimo a ba rometšego pele ga Gagwe, gomme O boletše gatee, re e badile dinakwana di se kae tša go feta, ka Jona. Ke kwela Jona bohloko gobane batho ba bantši kudu ba ahlola moprofeta yola. Ga a swanela go ahlolwa, o be a le moprofeta wa Morena gomme o dirile feela tlwa se Modimo a mo hlahletšego go se dira.

<sup>52</sup> Ke be ke bala nako ye nngwe pele. . . O rometšwe Ninife, eupša o tšere sekepe go ya Tarasisi, gomme a tsena bothateng ntle lewatleng, gomme a lahlelwa ka ntle ga sekepe, a tlemilwe seatlang le maotong gomme a lahlelwa ka lewatleng gomme a metšwa ke hlapikgolo. Gomme ka gona ge hlapikgolo e jele, e ile tlase botebong bja lewatle go ikhutša ka fase yonamong. Ye o ke tsela ye hlapi e dirago ge e eja. Fepa hlapigauta ya gago ye nnyane gomme o di hlokomele, di tla ya thwi fase gomme tša khutša.

<sup>53</sup> Gomme hlapikgolo ye kgolo ye e be e phiphila go kgabola meetse, gomme o—o hweditše moprofeta yo a wela go kgabola meetse, gomme o be a mo kuketše godimo ka go wa gagwe wo mogolo, molomo wo motona gomme a mo meditše.

<sup>54</sup> Rasaense nako ye nngwe ga a nyake go dumela seo. Eupša Modimo o be a lokišitše hlapi ye, wo e be e le mohuta wa go fapana wa hlapikgolo, Modimo o lokišitše ye go metša moreri. Kafao o. . . E be e le hlapi ya go fapana.

<sup>55</sup> Gomme hlokomelang, le ge a bile le diatla tša gagwe le maoto a tlemilwe, gomme o be a le ka mpeng ya hlapikgolo, ka tlase ga lewatle, gomme ledimo godimo. . . Bjale, batho ba bangwe ba lebelela dika tša bona, “Modiša wa ka o nthapeletše bošegong bja go feta, eupša seatla sa ka ga se kaonana.” Seo ga se ne selo go dira le yona. Ge ka kgonthe o le modumedi, yoo, ebile ga o lebelele seo, e šetše e rarolotšwe go ya go ile. Modimo o go fodišitše.

<sup>56</sup> Go ka reng ge Abraham a ka be a lebeletše kgwedi yela e latelago go bona ge eba Sarah o be a eya go ba le lese? Ga se nke a lemoga seo, o nno lemoga se Modimo a se boletšego. Gomme modumedi e ka ba mang wa therešo o lebelela go tshepišo, e sego se dika di lego go ba dikologa, ba lebelela se Modimo a se boletšego.

<sup>57</sup> Gomme Jona, tlase kua ka mahlatšeng ka mpeng ya hlapikgolo, o bolela ka dika, o be a na le tokelo ya go ba le tšona: Ge a lebeletše ka tsela *ye*, e be e le mpa ya hlapikgolo, o lebeletše morago ka tsela *ye*, e be e le mpa ya hlapikgolo, gohle go mo dikologa e be e le mpa ya hlapikgolo. Eupša o boletše eng? Ga se a dumela e ka ba efe ya yona. O iphetotše ka boyena godimo ka go hlapikgolo, gomme o rile, “Morena Modimo, gatee gape ke tla lebelela tempeleng ye kgethwa ya Gago.” E sego ka dika

tša gagwe, e sego ka seemong, e sego bokgole bjo dikholofelo tša gagwe di ilego, eupša o rile, “Ke tla lebelela tempeleng ya Gago.”

<sup>58</sup> Gobane ge Salomo a kgakola tempele yela, o rile, “Morena, ge batho ba Gago nako e ka ba efe ba le bothateng, gomme ba tla lebelela go leba lefelong le lekgethwa le le go rapela, gona ekwa go tšwa Legodimong.”

<sup>59</sup> Gomme o dumetše gore Modimo o kwele thapelo ya Salomo. Gomme Jona ka go maemo ao, ga go yo motee mo ka maemong ale, gampe bjalo ka ale, eupša ka leemong lela, o kgonne go gana go lebelela dika tša gagwe, gomme a re, “Ke lebelela go leba tempeleng,” tempele ya tlhago, moo motho wa tlhago a agilego, moo monna wa tlhago, monna wa kgonthe yoo a bego a no ba motho wa modiradibe, yoo moragwana a kgelogilego, gomme a kgona go dumela Modimo gore O kwele thapelo, ke bontši gakaakang wena le nna ka tlase ga maemo a go lebelela Legodimong moo Jesu a dutšego ka seatleng se setona sa Modimo go dira dipoelano godimo ga boipolelo bja rena? Gana go bona dika, o se be le selo go dira le sona.

<sup>60</sup> Ke nyaka go kgopamolla Jona ka monaganong wa gago wa go nagana. Batho ba Ninife, ge o ithuta histori, ba be ba le batheadihlapi, ba babe kudu, gomme ba be ba rapela medingwana. Modimo o tseba mkgwa wa go dira dilo, go no latela tlhahlo ya Moya. Jona o ile a swanela go tšea yeo, gobane, sekepe sela, gobane o be a hlahletšwe go dira. Gomme bjale, ka morago ga matsatši a mararo le mašego o dutše ka mpeng ya hlapikgolo. Batho ba Ninife ba be ba rapela medingwana, gomme modimo wa bona wa lewatle moo ba dirilego boiphedišo bja bona e be e le hlapikgolo.

<sup>61</sup> Gomme bjale bohle ba be ba le ntle ka go diketswana tša bona, ba thea dihlapu, mo go tla modimo godimo gomme a ntšhetša leleme la gagwe ntle, moprofeta o sepeletše ntle ka leleme la gagwe boka lepolanka ka molaetša wa tshokologo, wa mehlolo. Modimo ka mehla o diragatša mehlolo ge A le tikologong. Kgonthe, ba tla e dumela, modimo o tshwetše moprofeta ntle. Nnete. Gomme ba sokologile ka thero ya—ya Jona.

<sup>62</sup> Gomme Jesu o boletše gore “Yo mogolwane go Jona o fa.” O rile, “Batho bale ba bego ba sa tsebe seatla se setona le se setshadi e be e le sefe ba tla tsoga Kahlolong gomme ba ahlola moloko wo, gobane ba sokologile ka thero ya Jona.” Ga go selo boka seo se kilego sa bolelwa ka Mangwalong gore o tla dira seo, eupša o e dirile. Eupša mo go be go le Jesu, go tloga go Genesi o akanyeditšwepele go tla go beng Mesia, gomme O be a tla ba Modimo Moprofeta, gomme ba šitilwe go e lemoga. O rile, “Ba tla—ba tla tsoga ka Letšatši la Kahlolo gomme ba ahlola moloko wo.”

63 Setsopolwa se tee gape se sennyane ka Jona pele re eya felotsoko, taba ya go fapana. A o lemogile ba rile, “Mohlomphegi, re tla nyaka leswao la gago”? Bjale Mo theetšeng, gomme ge moswaswalatši yo mongwe a ka e swara, gore O rile “Wo kgopo, le wo—wo mobe, gomme moloko wa bootswa o nyaka maswao.” Ge seprofeto seo se kile sa phethagatšwa, ke lehono.

64 Ke neng re kilego ra ba le moloko wo mobe le wa bootswa? Ge dikgoro tša tlhalo di tletše lenyalo le go hlala, go nyala le go nyadiša, Jesu o rile go tla ba. Reno, Nevada, ketapele ya batho, ba nyetše makga a mane goba a mahlano a go fapana, o no tlogela mogatšago, wa nyala yo mongwe, mosadi a tlogela mogatšagwe gomme a nyalwa ke yo mongwe. Go no swana le, gampe go feta diphoofolo. Ke neng mo go bilego moloko wo mobe le wa bootswa?

65 O rile, “Ba tla nyaka leswao, gomme ba tla le hwetša.” Lebelelang Mangwalo. O rile, “Ba tla hwetša leswao, ka gore bjalo ka ge Jona a bile mpeng ya hlapikgolo matšatši le mašego a mararo, kafao Morwa wa motho o tla ba ka mpeng ya lefase, goba, pelo ya lefase matšatši a mararo le mašego.”

66 Ke mohuta mang wa leswao woo moloko wo kgopo, le wo mobe, wa bootswa o tla le hwetšago? Leswao la tsogo. Jesu Kriste wa go swana maabane, lehono, le go ya go ile. Leo ke leswao leo ba bego ba le tshepišitšwe. Modimo o boloka Lentšu la Gagwe. Ba hwetša, ba a hwetša, gomme ba le hweditše, leswao la tsogo, Morena Jesu a iponagatša Yenamong magareng ga batho, ka maswao a go swana le matete ao A a dirilego ge A be a le lefaseng. Ba tla amogela leswao.

67 Ka gona O rile, “Kgošigadi ya Borwa e tla ema, gomme, ka Letšatši la Kahlolo le moloko wo gomme a o ahlola, ka gore o tllile go tšwa dikarolong tša kgolekgole tša lefase la go tsebja ka letšatšing lela go kwa bohlale bja Salomo.”

68 Bjale, O be a bolela ka nako, Salomo. Bjale, moithutamodimo e ka ba mang, mmadi wa Beibele, o a tseba gore woo e be e le Mileniamo, go nyakile, go Bajuda. E bile ge Israele e be e atlega, gomme matete a magolo a dirilwe, le maswao a magolo, le go ya pele, a diregile. Gomme ba agile tempele ka go pušo ya Salomo, e bego e le morwa wa Dafida, sekai sa Morena Jesu. Gomme yohle e be e le . . . Dafida o be a lwele le ditšhaba, go fihla bohle ba boifile Israele. Gomme go dira leo lebaka la gauta go bona, Modimo o rometše mpho ye maatla magareng ga batho.

69 Ge Modimo a romela mpho go batho gomme ba tla e lemoga, ka mehla ke lebaka la gauta. Eupša ge ba e gana, ga go selo se šetšego eupša tlhakahlakano go moloko woo. Bjale theetšang ka kelohloko: Ge Modimo a rometše Moya wo Mokgethwa ka go lebaka le bakeng sa leswao, gomme re a O gana, ga se gona se šetšego eupša tshenyego. Eupša ge re o gana, ka nnete re tla thuthupišwa go tloga lefaseng.

<sup>70</sup> Dipomo tša athomo di lekeletše komana bjale, yo mongwe le yo mongwe o boifa go goga seragi, eupša letšatši le lengwe ba tla ba le vodka ye ntši kudu gomme ba gatelela seragi, gomme ge pomo yela—yela e feta go kgabola ratara yela, e galagala, ge e eya go kgabola kua, go tla ba ba bangwe ba yago ka tsela ye nngwe. Gomme a le tseba se se tla diregago? Lefase le ka se kgone go e emela. Gomme Ebangedi e a rerwa, gomme Kriste o dirwa go bonagatšwa go batho feela pele ga Tlhatlogo ya go tlošwa ga Kereke. Pele seo se ka direga, Kereke e tla be e ile.

<sup>71</sup> Gomme ge re tseba gore seo se ka direga pele ga moso, gomme pele seo se direga, Kereke e tla be e ile. Pele lerothi le tee la pula le ewa, Noage o be a le ka arekeng; pele tshetlana e tee ya Mollo e ewa go tšwa Magodimong, Loto o be a le ka ntle ga Sodoma; pele pomo yela ya athomo e ka letša molodi wa ditšhaba Kereke e tla be e ile Letagong. “Bjalo ka ge go bile ka matšatšing a Noage, le ka matšatšing a Loto.” Le bona tokišetšo ye re boletšego ka yona bošegong bja go feta? Re mo.

<sup>72</sup> Gomme batho bohle, ka mmero o tee, ba kgobokane go dikologa mpho ye kgolo yela yeo Modimo a e filego Salomo, yo mongwe le yo mongwe o e dumetše. Go ka reng ge bohle re ka e dumela lehono? Bjale, ga go tšee setšhaba ka moka, go ka reng ge dikereke tšohle di ka dumela Moya wo Mokgethwa gomme tša kgobokana go dikologa Moya wo Mokgethwa ka tsela ye ba kgobokanego go dikologa Salomo. Gomme ke ofe yo mogologolo, Salomo goba Moya wo Mokgethwa? Yo mogolwane go Salomo o fa, gomme batho ga ba nyake go e dumela, ka mokgwa wo mongwe go kgeiganya maemo a lefase. Moya wo Mokgethwa o go dira o dire dilo tšeo o sa naganago o tla di dira.

<sup>73</sup> Eupša re ya sekolong, gomme re rutega gagolo, gomme re ikwela o ka re re swanetše go ya go ya ka mokgwa woo. Gomme Moya wo Mokgethwa o a tsena gomme wa šoma ka sehlopha sa go kokobela, se sennyane sa batho, gomme ka gona, yo mongwe yo a lego godingwana gannyane o a leka, goba boteletšana gannyane, o na le leina le legolwane, o thoma go re, “Oo, ba no ba sehlopha sa go tlwaelega, oo, maudi.”

<sup>74</sup> E nkgopotša basetsana ba ka ba bannyane. Ke ne basetsana ba babedi ba bannyane, gomme leina la yo mongwe wa bona ke Rebekah, yo mogolwane, gomme yo mongwe leina la gagwe ke Sarah, yo monnyane, moisa yo mokopana. Gomme bobedi ke basetsana ba bannyane ba papa.

<sup>75</sup> Gomme fa nako ye nngwe ya go feta, ke be ke le ntle kopanong, gomme—gomme mama le basetsana ba be ba letile go mpona, gomme ke be ke le thari kudu go tsena, e ka ba ka iri ya boraro mo mosong. Kafao basetsana ba bannyane ba gohlometše ka dipitšameng tša bona tše dinnyane gomme ba ya malaong. Ba letile papa, mahlo a bona a bile boima, gomme ba ile ba swanela go ya malaong. Ke tsene, gomme ke be ke lapišitšwe ke masolo a

magolo, gomme ke robetše lebakana le lennyane, gomme ka tsoga ka leselaphutiana gomme ka dula ka setulong.

<sup>76</sup> Ka morago ga lebakana, morago ka kamoreng ya bona ya malao ke kwele lešata, mesamelo le seapešo di fofa, le tseba se ke se rago. Gomme ba be ba no tšwelapele, gobane le be le hlabile, “Ke a makala ge eba Papa o fihlile gae nako yeo.”

<sup>77</sup> Gomme go kgabola lebato ba tlile ba kitima, gomme ke be ke dutše ka kamoreng ya madulo ka setulong. Gomme Rebekah o be a le maotomatelele go feta Sarah, kafao o kgonne go mo šia, o e ka ba mengwaga ye mene bogolwane. Gomme o tlile a kitima go kgabola feela ka lebelo ka fao a bego a kgona, a tabogela godimo ga letolo la ka, gomme a lahlela matsogo bobedi go dikologa molala wa ka gomme a thoma go re, “Papa, re thabile kudu go go bona gae!” Oo, le tseba ka fao seo se dirago pelo ya gago go ikwela!

<sup>78</sup> Gomme ka gona go tla ka morago ga gagwe, samme wa gagwe yo monnyane, maoto a gagwe a pitšama a magolo kudu, dipitšama tša kgale tša Becky, a bego a di apere, gomme, le a tseba, dikapolelo, ka fao go lego ka lapeng. Gomme o be a na le dipitšama tša Becky, e bego e le tše kgolo kudu go yena, gomme o be a thekesela le go wa, Becky o mo thakoditše. Kafao o tabogetše godimo, a kgorametša leoto la ka, gomme maoto a gagwe a be a le a matelele, o be a kgona go fihla fase go le—le lebato, gomme o ile a itseparela gabotse yenamong gomme a lahlela matsogo bobedi go dikologa molala wa ka, gomme a re, a lebelela go dikologa, a re, “Sarah, samme wa ka, ke nyaka go go botša se sengwe: ke swere Papa gohle, gomme ga go selo se go šaletšego.”

<sup>79</sup> Bjale, yeo ke tsela ye batho ba bangwe ba lekago go tšea nako ye telele, moragorago ge lebaka la pelepele le be le thoma ka dikerekeng, ba nagana gore ba na le yohle ya yona, gobane bona ba, bile lefaseng boteletšana gannyane.

<sup>80</sup> Eupša Sarah wa go šokiša, yo monnyane, ke mo kwetše bohloko, mahlo a gagwe a manyane a lepeletše fase, dipounama tša gagwe tše nnyane—tša gagwe tše nnyane di petlile, mahlo a manyane a matsothwa a thoma go rothiša mogokgo. O thomile go retologa ge samme wa gagwe a be a swere papa gohle. Gomme Becky a thekgile hlogo ya gagwe godimo ga legetla la ka a no nkgokara, gobane o be a swere papa gohle.

<sup>81</sup> Ke lebeletše Sarah, gomme sefahlego sa gagwe sa lepelela fase, a thoma go lla, ka mo ponyetša leihlo, gomme ka šupetša monwana wa ka, ka ntšetša leoto le lengwe ntle.

<sup>82</sup> Šo o tla ka maatla ka fao a kgonnegoo gomme o tabogetše thwi godimo ga leoto la ka. O be a le maoto a makopana kudu, o be a le kereke ye mpsha, le a tseba, ga a . . . o a tekema, o no thoma go goelela, a goeletša, le a tseba, a sa tsebe mo a . . . Eupša, le a bona, ke tsebile gore a ka no wa go tloga leotong la ka, kafao ke

nno tšea matsogo bobedi le go mo swara ka mokgwa *wo*, gobane ke be ke boifa a ka wa.

<sup>83</sup> Ke mo gokaretše, gomme o ile godimo ka sehubeng sa ka, gomme o retologetše go samme wa gagwe gomme o boletše se: O rile, “Bjale, Rebekah, samme wa ka, ke nyaka go go botša se sengwe:” o rile, “E ka no ba therešo,” o rile, “gore o swere Papa gohle, eupša ke nyaka o tsebe gore Papa o ntshwere gohle.”

<sup>84</sup> Kafao seo ke se se lego. Ke . . . Ke nyaka A ntshware gohle. Modimo ntšee gohle. Ge eba ke tseba boABC ba ka goba aowa, ge eba ke a tseba ge eba nka kgona go phenkgišana le ka moka, nna ga ke leke, e no ineela ka bowena gomme o dumelele Modimo go ba le ka moka ga gago. Seo ke se re swanetšego go se dira. Modimo tšea ka moka ga ka.

<sup>85</sup> Kafao ka matšatšing a Salomo Modimo o bile le Kereke ya Gagwe yohle mmogo, boka A dirile ka Pentecost, feela O bile le setšhaba. Go tla direga eng bošegong bjo, ge setšhaba sohle se ka kgobokana go dikologa Moya wo Mokgethwa? Gobaneng, o tla ba sešireletšo sa pomo se sekaonekaone ba kilego ba ba le sona!

<sup>86</sup> Nkile ka bolela gore ke bile le sešireletšo sa pomo, se be se se sa dirwa ka tshipi, eupša se dirilwe ka mafofa: ka tlase ga diphego tša Gagwe. Seo ke sešireletšo sa pomo se sekaonekaone ke se tsebago, ke ka tlase ga tšhireletšo ya Gagwe.

<sup>87</sup> Gomme yo mongwe le yo mongwe o tla kgauswi, basetsebjwe ba feta go kgabola Israele, ba eya godimo Jerusalema, ba be ba tla kwa ka mpho ye kgolo ya Modimo e šoma, gore ba tle ba lebelele. Gomme ga go yo a ka tsogego a bona dimpho tša Modimo di šoma eupša se se ba tsikinyago ge ba na le e ka ba eng ka Modimo le gannyane ka go bona.

<sup>88</sup> Kafao batho ba . . . E šwalalane lefase ka bophara, yo mongwe le yo mongwe o thoma go kwa go kgabaganya lefase ka Modimo a šoma le batho ba Gagwe, mpho ye kgolo A e rometšego.

<sup>89</sup> Bjale, e tla ba selo sa go swana lehono ge bohle re no kgobokana go Mo dikologa. Eupša se re se dirago, re goga sehlopha se sennyane go tloga *mo*, le go re, “Ke nna Mopresbyterian.”

“Ke nna Momethodist.”

“Ke nna Mopentecostal.”

“Ke nna Monazarene.”

<sup>90</sup> Oo, nna! O leka go kgobokana . . . Bjale, dikerekemaina di lokile, ye nngwe le ye nngwe ya tšona e lokile. Eupša selo sa yona ke, o leka go dira kerekeleina ya gago; dira Kriste bogare. Kerekeleina ya gago e lokile, eupša dira Kriste bogare bja gago. Ge o dira seo, batho bohle ke baena ba gago bao ba lego ba tumelo ye bohlokwa ya go swana yeo e dumelago go Modimo, le na le sekgoba sa Modimo. Le se tsoge la fetša thuto ya lena ka—

ka khutlo, e fetšeng ka fegelwana. “Re dumela se, go hlakanya le bontši bjo Morena a tla re laetsago.” Le a bona? E no tšwelapele o eya.

<sup>91</sup> Bjale, seo se lokile gona. Eupša ge o re, “Se ke selo se nnoši, e swanetše go no ba ka tsela ye re e dumelago,” gona—gona o phošo. Le a bona? Modimo o a tsena gomme o no ketola koloyana ye nnyane, le go laetša gore ga o legakabje le nnoši godimo ga lebopo. Kafao gona, seo, Modimo o a se dira, O a se dira ka mehla. Seo ke se A se dirilego go Bafarisei, a tšea Lesea le tswetšwego ka legopong, le godišitšwego ka leina le lebe ka morago ga Gagwe bjalo ka ngwana wa hlaba, gomme a tšhollela botlalo bja Gagwe ka go Yena. O dirile maswao le matete, ao badumedi ba bego ba a šeditše gomme ba tsebile O be a le Mesia.

<sup>92</sup> Bjale šetšang motsotso feela. Mafelelong, lentšu le fihlile gohle dikarolong tša kgolekgole tša lefase go kgošigadi tlase ka Seba, ke moo ka kgonthe go bego go le. Gomme le a tseba, yo mongwe le yo mongwe o be a tla feta go kgošigadi ye. Ba be ba se ne thelebišene, le seyalemoya, le bobegaditaba nako yeo, kafao go tla ba go tloga dipounameng go ya tsebeng. Kafao mafelelong, lentšu le fihlile tlase go kgošigadi gore—gore o be a . . . gore godimo ka Israele go be go le mpho ye kgolo ya Modimo, gomme e be e šoma; Modimo o laeditše leswao le legolo go moloko wola.

<sup>93</sup> “Tumelo e tla ka go kwa.” Ke ka mokgwa wo o tsebago, ke ge o ekwa. Gomme yo mongwe le yo mongwe a bolela ka yona, e dirile tlala go tla ka pelong ya kgošigadi ye nnyane.

<sup>94</sup> Yo mongwe le yo mongwe o be a tla feta, gomme a re, “Oo, o swanetše go ema godimo kua ka malapeng ge Salomo, mohlanka wa Morena Modimo wa Israele, a eme godimo kua. Gomme ga se wa ke wa bona tlhatho ye bjalo! E ka godimo ga eng kapa eng.”

<sup>95</sup> O a tseba ge o na le kgopolo ye e itšego ka Modimo ka go wena, gabotse, yeo e thoma go go fa tlala. Gomme, mafelelong, o feditše le mogopolo wa gagwe gore o be a etla, go iponela ka boyena, o be a no se tšee lentšu la yo mongwe le yo mongwe, o be a tla tla, go iponela yenamong. Seo ke selo se sebotse go se dira: Etna o bone.

<sup>96</sup> Kafao ke tla eleletša, o rekile Dibeibele tšohle tša Bahebere tšeo a kgonneggo go di hwetša, gomme o badile go tšwa go Tšona se Jehofa Modimo a bego a le boka sona, gobane o be a le mohetene.

<sup>97</sup> Bjale, gore a ye go etela le go bona ge eba leswao le la Modimo le be le nepile, o be a swanetše go hwetša tumelelo go tšwa kerekeng ya gagwe. Kafao ke kgona go mo eleletša a eya godimo kerekeng, gomme o re go moprista wa gagwe wa mohetene, “Tate, ke kwele gore go na le Modimo ka go Israele yo a phelago, gomme O tšere yo mongwe wa bahlanka ba Gagwe gomme o iponagatša Yenamong ka mohlanka yola.”

98 Oo, ke kgona go kwa moprista wa mohetene a re, “Bjale, ema motsotso, morwedi. Ge go be go le e ka ba eng sa kagodimogatlhago go dirwa, se be se tla tla ka kereke ya rena.” Le a bona? “E tla ba ka rena. O se dumele mohuta woo wa dilo.”

99 Eupša le a tseba, ge o thoma go kopana le Modimo, diabolo o ya go lahlela se sengwe le se sengwe ka tseleng ya gago seo a ka kgonago go se lahlela ka tseleng ya gago. Woo ke mošomo wa gagwe go se dira. Gomme o ya go go šitiša ka tsela ye nngwe le ye nngwe, eupša ge o ikemišeditše, Modimo o tla dira tsela.

100 A re šwahleleng ka gare go poledišano ya bona, yena le moprista. A re re ba boletše se: O rile, “Bjale, o se hlakahlakane ka go bohlanga tsoko bjale.” Le a bona? “Bokaone hlokomela se o se dirago, gobane ke kwele bona Baisraele ba goeletša le go goa go dikologa areka godimo fale. Kafao, ga o nyake go hlakahlakana ka go yela, ngwana wa ka, gobane o na le maemo a magolo, o kgošigadi.”

O rile, “Eupša, tate, go na le se sengwe ka pelong ya ka, se a tuka, ke swanetše go ya.”

101 “Oo,” o rile, “mohlomongwe bokaone o tle le go tšea boipolelo bja phošo ya gago, goba se sengwe. Gomme le a tseba, ga la swanela go dira seo, gobane, o a bona, re—re ne hi—hi histori fa ya beibele ya rena ya histori ya modimo wa rena.”

102 Ke kgona go mo kwa a araba se sengwe boka se: “Ee, makgolo wa ka o kwele seo, mme wa ka o kwele seo, ke kwele seo ge e sa le ke le ngwana yo monnyane. O na le mantšu, o na le dingwalwa, eupša godimo kua, ba na le Modimo yo a phelago. Ke nyaka go bona se sengwe e lego sa kgonthe, se sengwe se se phelago. Re na le mehuta yohle ya go ngwala eupša ke nyaka go bona Yena yo a kgonago go ngwala, gomme morago a tla go e phethagatša.”

103 Ke dira bjalo. Ga ke nyake go direla Modimo yo a sa tšwago go ngwala selo se sengwe, gomme a tloga gomme a hwa. Ke tla direla Modimo ka lethabo bošegong bjo yo a ka kgonago go ngwala, le go bowa le go phethagatša se A rilego O tla se dira. Le ge ba Mmolaile, lebitla ga se la kgona go Mo swara, O tsogile gape. O a swana maabane, lehono, le go ya go ile.

104 Gomme ka gona, oo, o šotologetše moprista gomme a sepelela ntle. Ge o ikemišeditše go hwetša Jesu, go fihla go Modimo, Modimo o tla go direla tsela.

105 Bjale o dula fase gomme a e nagantšhiša, “Ke kgolekgole godimo kua. Kafao bjale, go ka reng ge nka ya godimo kua gomme ke nnete? Gomme ka kgonthe se ke se boditšwego gore Modimo, Modimo wa bona, ke Modimo. Ga A na le feela dingwalwa, eupša O tiišetša mongwalo wola, O dira ditshepišo tša Gagwe therešo, gomme wola ke Moya wa Modimo o šoma. Ge go le, ke kolota tšohle ke nago natšo go Wona.”

106 Yeo ke nnete tšwa. Ge Modimo e le Modimo, re kolota bophelo bja rena go Yena, re kolota tšohle tša rena go Yena. Re kolota se sengwe le se sengwe go Yena.

107 Kafao, o rile, “Ge go le bjalo, ke tla e thekga.”

108 Ka gona a laiša dikamela ka gauta, le—le dinoko, le dibipalefetla, mahumo a mantši. O naganne se: “Ge e le ya Modimo, ke tla e thekga; ge e se ya Modimo, nka gomiša dimpho tša ka morago.” Seo ke se sebotse, sa go kwagala tšhaologanyo. “Ka fao, ke tla lokiša ge eba ke yona, ke tla itokiša.”

109 Bjale, ka gauta ye yohle, o be a swanetše go sepela, marakang mo mmepeng wa lena go tloga Jerusalema go theogela Seba, go tšere dikgwedi tše tharo go dira leeto, e sego ka go Cadillac ya sefhehlamoya, goba ka terene, goba sefofane, eupša godimo ga mokokotlo wa kamela. Ga go makatše Jesu o rile o tla ema ka Letšatši la Kahlolo gomme a ahlola moloko wo. Ba bangwe ba ka se tle go kgabaganya mokgotha go e kwa, go bona mpho ya Modimo, ba tla šunyalatša nko ya bona go yona gomme ba sepela. Eupša o be a ikemišeditše.

110 Ga go makatše Jesu o rile, “Ga go motho a ka tlogo, ntle le ge Tate wa Ka a mo goga. Gomme bohle Tate a Mphilego, ba tla tla go Nna.”

111 Bjale, gomme selo se sengwe, ge a bile le mahumo ale ohle, a o be a se, mohlaselwa yo bonolo go bana ba Ishmaele bao ba bego ba le bahlakodi mo leganateng mo matšatšing ao? Dipere tšela tša molokoloko, gobaneng, di be di tla wela ka gare godimo ga kharabane ya gagwe ye nnyane fale gomme ba mmolaya gomme e be e tla ba . . . Gobaneng go tla . . . Ba be ba tla tšea se sengwe le se sengwe a bilego le sona, gauta yohle yela, le dilo.

112 Eupša le a tseba, go na le se sengwe ka yona ge o nyaka go kopana le Modimo, gore ga go selo se tla emago tseleng ya gago, o ya pele go le bjalo, o sefofu go dikotsi, o sefofu go tshwaswalatšo, o sefofu go e ka ba eng gape, Modimo ke maikaelelo a gago a nnoši, gomme o ya go Mo hwetša.

113 O dumelela motho yo mongwe le yo mongwe ka fa bošegong bjo a nyakago kolobetšo ya Moya wo Mokgethwa go ikemišetša bjalo, ga go kgathale se e ka ba mang a se bolelago, o ya go se bona, golebja. E ka ba mang ka fa a babjago, ga ke kgathale se e ka ba mang a se bolelago, o ya go fola, golebja. Šetša se se diregago. Ke moo e letšego, mogwera.

114 O be a ikemišeditše, ga se nke a nagana ka dikotsi, selo se nnoši a naganne go ka sona e be e le go fihla go Modimo. Gomme o rwešitše dikamela tša gagwe, gomme o hweditše bakgoma ba gagwe, mohlapetši wa gagwe—wa gagwe, bahlapetši ba babedi ba bannyane go sepela le yena. Gomme ba swanetše go be ba sepetše bošego, dikgwedi tše tharo go bona mpho ya Modimo. Ke a makala ge eba go ne tlhokofalo ye ntši ka lefaseng lehono. Gomme Jesu o rile o ya go ema le rena ka Letšatši la Kahlolo.

115 Ke a makala o tla dira eng go United States ka Letšatšing leo? Ke eng bopaki bja gagwe bo tla imelago kgahlanong le Maamerika, ka morago ga ge re bile le mengwaga ye dikete ya bopaki bja Modimo le dikolo tšohle, le dikereke, le dilo? Ke eng bopaki bja gagwe bo tla imelago kgahlanong le Maamerika ba ba tla bo ahlolago, le go bo bitša diabolo, le go sepela? Gomme yo mogolwane go Salomo o fa, Moya wo Mokgethwa o fa. A ka se sepele go kgabaganya mokgotha, feela go e sega, dikete tše ntši, dimilione tša bona.

116 Eupša o dirile tsela ya gagwe go kgabaganya leganata, a sa nagane ka mathata, eupša o dirile tsela ya gagwe. Mafelelong, o fihlile jarateng ya paleisi. Ke kgona go mmona a laolla tente, goba, dikamela tša bona, le go hloma ditente tša gagwe, le go ya pele, kafao, ba be ba le ka malapeng. Gomme letšatši la go latela o nyakile go ya go tsenela ye nngwe ya dikopano go bona se e tla bago. O bile, mafelelong, ka morago ga dikgwedi tše tharo tša go sepela, ka morago, mohlomongwe, ngwaga goba go feta go kwa ka yona, mafelelong o fihlile. Gomme o fihlile lefelong, a ka no ba a ile a swanela go ema, le gona.

117 Eupša mosong wola ge ba tlišitše Salomo ntle, mohlanka wa Morena, gomme bagolo ba kgobokane, gomme o rile, “Bjale, ga ke tle go swaswalatša, ke no ya go dula fase le go itebelelela, gomme ka no e bapetša le Mangwalo le mabopaki ke a kwelego.”

118 Gomme ge difela di opelwa, le go ya pele, gomme tirelo e thomile, gabotse ba tlišitše yo mongwe godimo go Salomo. O be a lebega feela monna wa mehlang, seo ke sohle a bego a le sona. Eupša go be go le se sengwe ka yena gore o be a se yenamong mosong wola, Modimo o ile a theoga. Ga se ba ke ba tsoge ba bona tlhatho ye bjalo, ka fao taba ye nngwe le ye nngwe, o be a phethagetše ka go yona.

119 O rile, “Monna a ka se kgone go phethagala bjalo, go no se kgone go ba. Go swanetše go ba *Sengwe*.”

120 O ya ntle tenteng, gomme ke eleletša bošego bjohle o badile Disekrolo tšela tša Bahebere gape. Mosong wo o latelago, o ya morago.

121 Bjale, ga se a tsoge a tla go no re, “Gabotse, ke tla ya ka gare gomme ka dula fase metsotso ye mehlang, ge ke sa rate se a se bolelago, ke tla emelela gomme ka tšwa.” Woo ke mokgwatebelelo wa Amerika.

122 Eupša o tlile go dula go fihla a kgodišegile. O be a nyaka go e hlahlofa le go dula le yona, o tlile a itokišeditše seo, kafao, letšatši la go latela, gomme mohlomongwe letšatši la go latela, le lebaka la matšatši a mantši.

123 Nnete ga se a ke, eupša a re re o bile le karata ya thapelo gomme o be a letile. Mafelelong, go tlile nako ya gagwe go tla pele ga Salomo, bjale, o rile, le a bona, o be a šeditše ba bangwe ba bantši kudu go fihla a rile, “Ke a dumela go ya go loka.”

124 Gomme ge a fihla pele ga mpho ya Modimo ye e bego e le ka go Salomo, gobaneng, Salomo o mmoditše se sengwe le se sengwe, Beibele e a bolela. E boletše gore Modimo ga se a tsoga a uta selo se tee, eupša o boletše se sengwe le se sengwe seo mosadi a se hlologetšego ka pelong ya gagwe.

125 Gomme ge a e bone e dirwa go yena, o retologile gomme o rile go batheeletši, mohetene, o rile, “Tšohle tšeo ke di kwelego e be e le nnete, le bontši go feta ke bo kwelego.” O rile, “Ka therešo, Modimo o ne lena.” O rile, “Ba lehlogonolo ke banna ba sefahlego sa bona se kgonago go bona dilo tšatši ka tšatši, ba lehlogonolo ke batho, gomme wa lehlogonolo ke Modimo yoo le mo hlankelago, Yo a filego dilo tše kgolo tše ka hlatse.”

126 O e dumetše. O bile le nako ye mpe go fihla go yona mengwageng ya gagwe. Seo ke sohle Modimo a bilego le sona ka go lebaka la gagwe bakeng sa gagwe, o se dumetše. Gomme ba be ba eme fale ba šeditše dilo tše kgolwane go feta Salomo a dirile. Gomme efela ga se ba e dumela gomme ba e biditše diabololo. O rile, “O tla tsoga ka Kahlolong le moloko wo gomme a o ahlola, gobane o tllile go tšwa dikarolong tša kgolekgole tša lefase go bona moya wa tlhatho; gomme yo mogolo go feta yola o na le lena.”

127 Ke re bošegong bjo, bagwera, le ge Jesu Kriste a lego Morwa wa Modimo a eme moo A bego a le gona, O be a sešo a tagafatšwa. . . [Ga go selo go theipi—Mor.] . . . O be a sešo a netefatšwa, O bile le sebaka ka Getsemane go e gana, eupša O be a se a netefatšwa. Eupša lehono O netefaditšwe ke Modimo, O hwile, le go bolokwa, le go tsoga gape, gomme ka morago ga mengwaga ye dikete tše pedi O a phela le bjale bošegong bjo, leswao le legolwane go feta le bile ge A be a sepela lefaseng. Yo mogolwane go Salomo o fa.

128 Oo, nna! Ke a dumela ba go botega ka pelong ba nyaka go bona se sengwe sa kgonthe. Mantšu a lokile, eupša a Lentšu lela le tla šoma? Ge Modimo a dirile tshepišo ya phodišo, a e tla šoma? Ge A dirile ditshepišo tše, a e tla šoma?

129 Ge A rile, “Dilo tše Ke di dirago, le tla di dira le lena; gomme tše di fetago tše ka baka la gore Ke ya go Tate wa Ka,” a se tla šoma? Ke a tseba King James e re *ye megolwane*, eupša ga go selo se ka bago, ge le ka šetša ya setlogo, e rile *ye mentši*. O emišitše tlhago, a tsoša bahu, o ka se kgone go dira ye megolwane, eupša o ka kgona go dira bontši bja yona. O be a le ka go motho o tee nako yela, Morwa wa Gagwe, Modimo o be a le, Jesu, gomme bjale O ka go Kereke tšekelele, go dikologa lefase. “Ye mentši go feta wo le tla dira gobane Ke ya go Tate wa Ka.”

130 Batho ba kgonthe, ba dipelo tše di botegago, lena Mageorgia, ke le dumela go botega le go hlokofala, ba dipelo tše di botegago, ke ka baka leo le lego mo bošegong bjo. E sego gore ke ahlola kereke ya motho, ye nngwe le ye nngwe ya tšona o lokile, re

banešu, eupša iri e tlile ge re swanetše go phagamišetša godimo ka godimo ga maikutlo a rena a kerekeleina gomme ra tla ka go bongwanešu, gabotse, bongwanešu seng sa rena le Kriste, gomme seo ke se dilo tše di lego bakeng sa sona. Modimo romela se sengwe sa kgonthe go gogela pelo ya go botega go Yena.

<sup>131</sup> Ke nna motsomi, bjalo ka ge bontši bja lena le tseba. Ke be ke fela ke tsoma ka dithokgweng tša Leboa. Gomme ke tsomile le monna yo a bitšwago Bert Call, yo mongwe wa bathunyi ba bakaonekaone nkilego ka tsoma le bona; gomme ke nna mohlahlhi ka go tše ntši tša dinaga, mohlahlhi yo a nago le laesense.

<sup>132</sup> Mme wa ka ke seripa sa Moindia, o tšwa go mafelopolokelo, mmagwe o dirile; tate wa ka ke Moirish. Feela madi a go lekanela go ntira ke hlologe lešoka. Ke tla rata go le rerela nako ye nngwe ka maitemogelo a ka, ka fao ke hweditšego Modimo ka tlhagong. Modimo o phela ka tlhagong.

<sup>133</sup> Gomme ke be ke fela ke eya godimo fale le go tsoma le yena, gobane o be o se wa swanela go tshwenyega ka Bert go ka tsoge a lahlega, o—o tsebile mo a bego a le gona, gomme mothunyi yo mokaone. Eupša o be a le monna wa sweleswele nkilego ka mmona, o be a le pelo ye šoro.

<sup>134</sup> Gomme ngwaga wo mongwe ke ile godimo fale . . . Gomme o be a fela a thunya a mannyane, masea a mabotlana feela go ntira ke ikwele gampe. Ke rile, “Bert, ga wa swanela go dira seo. Ga go bohlokwa go be o thunya le lennyane, lebotlana la lesea, re na le nako ye ntši, go tsoma tshepe, e tee e godilego.”

“Oo,” o rile, “Moreri, o ne pelo ya kgogo. Seo ke se e lego bothata ka lena sehlopha sa bareri,” o rile, “le no ba le pelo ya kgogo.”

Ke rile, “Bert . . .”

O rile, “Ke nnganne o be o le motsomi.”

<sup>135</sup> Ke rile, “Ke nna motsomi, eupša ga se nna mmolai,” Ke rile, “yeo ke phošo.” Ke bile mohlakomedi wa diphoofolo lebaka la mengwaga ye šupago, feela pele ke etla ka bodireding. Gomme ke rile, “Ke nna mmabaledi, gomme ga ke dumele go direng seo.” Le ge go be go le molaong go thunya lebotlana, eupša e sego tasene.

<sup>136</sup> Eupša o—o tla e dira go no ba swele, go ntira ke ikwele gampe. Le a tseba, go na le batho ba go swana le bao ka lefaseng, ba tla no dira metlae ka wena go no go dira o ikwele gampe, ba bolela se sengwe se sebe ka wena. Ga se motho, ke diabololo ka go motho yola. Yeo ke phetho. Motho yola o rata mogatšagwe feela go swana le ge o rata wa gago, le go ya pele, o rata go ja, le go robala, le go nwa, le—le go ba leago, le dilo, eupša ba no e dira gobane diabololo o a ba laola.

<sup>137</sup> Segafa sela ka Gadara, monna yola o ratile, le se sengwe le se sengwe, eupša o be a swerwe ke diabololo kudu, go fihla di—di diabololo a šomiša leleme la gagwe go bolela, “Re a Go tseba, Wena

Yena yo Mokgethwa wa Modimo. Gobaneng O etla go re tlaiša?" Yoo e be e se monna yola, e be e le diabololo a šomiša segalontšu sa gagwe.

<sup>138</sup> Gomme motho a ka tlala kudu ka Modimo, go fihla Modimo a ka šomiša segalontšu sa gago, le wena. A le kile la lemoga segafa, go tšea banna ba mmalwa go mo swara, maatla a gagwe ke a magolo kudu, gobane o swerwe ke diabololo kudu; monna yo o kgonne go roba diketane. Ge diabololo a ka kgona go fa monna maatla a mantši ao, ke bontši gakaakang Yena a ka go fago ka go ditulo tše tša bagolofadi? Maatla a Moya wa Gagwe go tsoga! Ditulo tša bagolofadi goba lefeela di ka se kgone go go swara, Modimo ka kgonthe o a swara, e sego ge moreri a swara, eupša ge Modimo a swara, se sengwe se a direga. Bjale, ga ka thantshelwa, ke tseba thwi moo ke lego, eupša ke no ikwela bodumedi.

<sup>139</sup> Ge Modimo ka kgonthe a ka swara kereke ye bošegong bjo, go tla direga eng? O mo, Moya wa Gagwe o fa, O nyaka go e dira, O hlologela go e dira, ge re ka no Mo dumelela. "Nka kgona, ge o rata."

<sup>140</sup> Bjale hlokomelang, ngwaga wo mongwe ke ile godimo go tsoma le Bert, gomme re thomile go tsoma, o rile, "Ke nyaka go go bontšha se sengwe, Billy."

Ke rile, "Go lokile."

<sup>141</sup> O obeleditše fase ka potleng ya gagwe, gomme o be a na le mahlo a go lebega boka mokgaditšwane, go le bjalo, gomme o lebeletše godimo ka wona mahlo a go lebega mokgaditšwane, gomme o leditše nakana ye nnyane ye, gomme e kwagala feela boka le lennyane, lebotlana la lesea le lilela mmago lona.

Ke rile, "Bert, o ka se dire seo."

<sup>142</sup> O rile, "Oo, Moreri, hlapologelwa." O rile, "Kgonthe, ke ya go e dira. Ke ya go lekeletša molokoloko wa mabotlana tsela yohle go kgabaganya kamora ye go no go laetša ona."

Ke rile, "Oo, Bert, o yo mobe kudu!" Gomme ke rile, "Gobaneng o sa be Mokriste? O tla emiša selo seo."

O rile, "Aa, eya pele, Billy."

<sup>143</sup> Re ile go tsoma letšatši leo, go be go le e ka ba diintšhi tše tshela goba seswai tša lehlwa, feela go lekanela go lota mohlala gabotse, go be go le thari gannyane mo sehle. Gomme—gomme kafao ke—ke ile ka swanela go šoma thari, gomme ga se ke ye godimo kua, go fihla nako . . . maikhutšo a ka.

<sup>144</sup> Gomme re thomile godimo ka godimo ga White Mountains, go tloga go Tselalephefo 2 go tšwa New Hampshire, tlase go kgabola New Hampshire go tšwa Berlin go theoga, go ya godimo Lancaster, ka tselalephefo e kgabaganya feela e tee go kgabola Presidential Range, re be re eya godimo go leba Thabeng ya Washington, gomme go be go tonya gannyane.

<sup>145</sup> Gomme re tso mile mosong ohle, ditshepe di be di hlokega kudu, di be di tso milwe. Gomme di be di . . . Bona baisa ba bannyane, ge mello ya sethunya, di a utama, ga o sa di bona gape go fihla seruthwana sa go latela. Gomme di be di iphihlile. Gomme re tso mile mosong ohle gomme ebile ga se re bone mohlala o tee.

<sup>146</sup> Gomme re tlile go sekgese se sennyane moo go bego go le lehlwa, phefo e be e fokile, gomme lehlwa le be le fofetše godimo, oo, dikgato tše tharo goba tše nne godimo. Gomme Bert feela mohuta wa, bjalo ka ge re ka e bitša, o wetše fase. O obeleditše morago ka difarong tša gagwe *mo*, e be e ka ba ka iri ya lesometee. Ka mehla re rwele jeke ya flaseke ya tšhokolete ya go fiša, moo ge re gobetše, goba re bile go tonya ka kgonthe, goba—goba se sengwe, re be re tla nwa tšhokolete ye ya go fiša, e mohuta wa, le—le lelekere, bobose bjola ka fale bo tla ba mohuta wa go go huthumatša, le mohlomongwe sangwetše.

<sup>147</sup> Gabotse, ke naganne, “Bert o swerwe ke tlala, kafao re tla no ja sangwetše fa.” Gomme o bile mohuta wa go inamela fase le go ya morago ka sefegeng sa gagwe, eupša ge a e tlišitše ntle, e be e le nakana yela ye nnyane. Gomme re be re le, sekgese se sennyane se ka bago makga a mararo go ya go a mane bogolo bja ye—bja kgorotsheko ye. Gomme o lebeletše godimo go nna ka mahlo ale a go lebega mokgaditswane a gagwe, gomme a itshegela.

Ke rile, “Bert, o ka se dire seo!”

<sup>148</sup> Gomme o e leditše. Gomme ka go makala, feela go kgabaganya lefelo, mme tshepe yo mogolo o emeletše. Bjale, seo ga se sa tlwaelega. Oo, o be a le phoofolo ye botse. Bjale, tshepetshadi ke mme. Gomme o be a eme fale. Ke be ke le kgauswi le yena kudu, ke—ke kgonne go bona ditsebe tša gagwe tše kgolokgolo, tše botse di tlorogile.

<sup>149</sup> Gomme kafao, o lebeletše godimo go nna gape, gomme wona mahlo a mokgaditswane, gomme o e leditše gape. Bjale, seo ga se sa tlwaelega nako yeo ya letšatši go tshepe go tsoga, eupša o kwele sello sa lesea. Gomme o e leditše, gomme o sepeletše thwi ntle ka sekgeseng. Bjale, ga di tsoge tša dira seo, ga di tsoge tša dira seo, gobane ge ebile di—ge ebile di ka phagamela godimo, di tla dula di utame. Eupša o sepeletše thwi ka ntle ka sekgeseng.

Gomme o lebeletše godimo go nna, gomme ke naganne, “Oo, Bert, o ka se kgone go dira seo!”

<sup>150</sup> Ke mo kwele, go khokha ge yela .30-06 go lahletšwe še—še šele gomme a e tswalelela; gomme o be a ne maleba. Gomme o lekanyeditše raborolo. Ke naganne, “Oo, kgaogelo!”

<sup>151</sup> Ga se nke. . . Gomme o kwele go khokha mola ga raborolo. Gomme ge a lebeletše, tšona ditsebe tše kgolo di emeletše gomme mahlo ale a magolo, a matsothwa, gomme o bone motsomi. Gobaneng, ka mehla di tla be di ile ka panyaleihlo, eupša e sego yena, o be a le mme, lesea le be le le bothateng. Le ge go be go era

lehu, lesea la gagwe le be le le bothateng. O be a se ne se a ka se dirago, o be a sa itiriše se sengwe, o be a se ne tumelomaitirišo, go be go ne se sengwe ka go yena, o be a tswetšwe a le mme, gomme lesea la gagwe le be le bitša. Lehu goba ga go lehu, o lebeletše motsomi.

152 Gomme ke bone wona matsogo a go homola a phagamela fase ka raborolo yela, ke naganne, “Oo, nna, Bert! O ka kgona bjang go e dira? Pelo yela ya go botega ya mme e rethetha bakeng sa lesea la gagwe, gomme motsotso wo mongwe ge o pinyeletša seragi sela le yona meriri ya go fapana e letše go mo kgabaganya, o tla thuthupiša pelo ya gagwe ya go botega thwi.” Bokgauswi bjoo, ke be ke le dijarata tše masometharo go tloga go yena. Ke naganne, “Ebile go ka se be le nthatana e tee ya pelo e šetšego ka go yena, pelo yela yeo e rethethago go botega bjalo ka mme. O ka kgona bjang go e dira, Bert?”

153 Ga se ke kgone go e šetša, ke retolotše hlogo ya ka, ke rile, “Tate wa Legodimong,” ka go ya ka . . . ka setu, “se mo dumelele go e dira. O se ke . . . A ka kgona bjang go e dira ge a bona mme yola, se sengwe ka go yena? A ka se kgone go e thuša, ke mme.”

154 Ke tšwetšepele go theetša gomme sethunya ga se sa ke sa ragoga, ke letile metsotswana e se mekae gomme go le bjalo sethunya ga se sa ke sa ragoga, gomme ke retologile go lebelela, gomme molongwana wa sethunya o be o eya ka mokgwa wo. O lebeletše go dikologa go nna gomme a lahlela sethunya fase, a ntshwara ka leoto la borokgo, gomme o rile, “Moreri, ke bile le go lekanela ga yona. Ntlahlele go Jesu yola yoo o bolelago ka yena. Ke nyaka go Mo tseba.”

155 Bothata e be e le eng? O be a ile kerekeng bophelo bjohle bja gagwe, o be a bone baikaketši, le se sengwe le se sengwe gape, eupša o bone se sengwe sa kgonthe. O bone se sengwe seo e bego e se maitirišo, o bone se sengwe seo ka kgonthe se bego se le bomodimo. Gomme pealatšo ya potego ya mme tshepe yola wa kgale bjalo ka mme e hlahletše motsomi yola wa pelo ye šoro go Modimo thwi fale mo lešing la lehlwa.

156 O laolotše raborolo ya gagwe, gomme o rile, “Nka se tsoge ka thunya lebotlana le lengwe boteleletelele bjo ke phelago.” Ke letikone ka go ye nngwe ya dikereke tša Baptist ka New Hampshire bjale. Ke eng?

157 Ngwanešu, kgaetšedi, a o ka se rate go ba Mokriste, Mokriste bontši bjalo ka ge a bile mme? A o ka se rate go pealatša potego ya gago le tumelo ya gago go Kriste, ga go kgathale se go bitša eng, o ema ntle kua le se sengwe ka go wena? O ka se kgone go e dira go fihla e tswalwa ka go wena. Ge o se wa ke wa ba le boitemogelo bjoo, selo se sengwe ka kua se se go dirago, selo se sengwe seo e lego sa nnete go wena, e sego ka gobane o wa kereke, ka gobane Kriste yola o ka go wena, Sengwe sela e lego sa kgonthe, a le ka rata go ba le seo? Ke ba bakae ka fa gonabjale, ge batho ka

dihlogo tša lena godimo, e no phagamiša seatla sa gago, gomme o re, “Ngwanešu, ke tla rata go ba Mokriste kudu ka pelong ya ka go pealatša botshepegi go Kriste bjalo ka tshepe yela ya mme ya kgale e be e swanetše go ba mme”? Phagamiša seatla sa gago. Modimo a go šegofatše.

A re rapeleng.

<sup>158</sup> Morena, kgošigadi ya Borwa e eme boka mme tshepe yola magareng ga batho, gomme o ipoletše le go bolela gore “Ka therešo se se tšwa go Modimo.” Se sengwe se diregile go yena, Modimo o boletše le pelo ya gagwe. Gomme O re netefaleditše gore o be a se a hwa, eupša o tla ema ka tsogong gomme o tla ahlola bao ba ganago go Go kwa.

<sup>159</sup> Ke a rapela bošegong bjo, Morena, Leineng la Morwa wa Gago, Jesu, gore O tla dumelela Moya wo Mokgethwa go tšea seatla se sengwe le se sengwe seo se phagamišitšwego bošegong bjo, le bao ba swanetšego go be ba phagamišitše diatla tša bona, gomme mmogo le nna, Morena, gomme hlola ka go rena botshepegi, kgonthe, boitemogelo bja kgonthe kudu bja tswalo ye mpsha, bja go tswalwa ke Moya wa Modimo, go fihla re kgona go pealatša pele ga lefase le pele ga batho ba re šomago le go amana le bona, pealatšo ya kgonthe ya Bokriste. E fe, Morena. O tseba pelo ye nngwe le ye nngwe fa, le tlala yeo e lego ka go yona, e tlatše, Morena, go ya ka mahumo a Gago le mogau wa Gago. Ke ba neela go Wena.

<sup>160</sup> Bjale, Morena, ke a rapela gore O tla sepelela ntle lefelotiragalong bošegong bjo fa, etla, Morena, o nametše maphotho, theogela fase ka sesasedi, etla ka Pilara ya Mollo, gore batho ba tsebe gore dilo tše O di rometše gape Moya wo Mokgethwa bjalo ka Hlatse mo letšatšing le, bjalo ka ge O rile O tla e dira.

<sup>161</sup> Gomme a nke motho yo mongwe le yo mongwe mo a tlale kudu ka Moya wa Gago, go fihla go ka se be le motho wa sekoka magareng ga rena ge tirelo e fedile. A nke bao e sego Bakriste ba be Bakriste; bao ba Go amogetšego bjalo ka Mophološi gomme ba sešo ba tswalwa ke Moya, ba tlatšwe ka Moya wo Mokgethwa, re rapela gore ba tla O amogela bošegong bjo; gomme bao ba babjago le go tlaišwa ba tla sepela ka netefatšo ba khutšitše ka pelong ya bona, se sengwe seo se tla ba dirago ba eme ka go meleko ya diabololo go leka go e tloša go bona, efela ba ka re, “Go ngwadilwe: ‘Ka megogoma ya Gagwe ke fodile.’”

<sup>162</sup> Ba bantši ba ka se be ka mothalong wa thapelo, ba bantši ba tla be ba eme ka ntle ba ba nyakago phodišo, Morena, a nke ba tsebe gore O ka fihlelelwa ke yo mongwe le yo mongwe, gomme O a kgona le go rata go ba fa maatla le tu—tu tumelo ye e tla emago go sa kgathale maemo a bona, goba mebele e lebega bjang, ba tla no be ba sa e dumela le go ipolela yona, gomme O tla e tliša go phethega. Gomme boagišani moo ba phelago ba tla bona gore

go ne se sengwe sa kgonthe, gore Moya wo Mokgethwa o tllile go bona.

<sup>163</sup> Badiradibe, matagwa, bao ba phetšego maitshwarohlephi, ba robile dikeno tša bona go bagatšagadi ba bona, le go bagatša ba bona, baratani bao ba sa tšhepagalanego, a nke ba bone, Morena, gore go tšea Modimo go dira monna goba mosadi se ba swanetšego go ba, ba eme ka sebetse, bošegong bjo, le go ipolela Wena, gomme ba tlatšwe ka Moya wa Modimo, le go tloga mo ba no Mokriste yo bogale bjalo ka mme tshepe wa kgale yo ke boletšego ka yena a be a le mme. E fe, Tate, re tla Go tumiša. Ka gore re a e kgopela, ka Leina la Jesu. Amene.

<sup>164</sup> Ke a tseba le lapile go ema, gomme ke rerile botelele, e nyakile go ba iri ya senyane, eupša feela metsotso e se mekae gape bjale. Bjale, feela ye mennyane ye . . . Ga ke moreri, le tseba seo, mpho ya ka ke se sengwe gape. Le na le badiredi mo ba ba hlahlilwego, ga se ka hlahlwa, gomme thuto ya ka ya kereiti ya bošupa ya kgale ga e ye kgole kudu. Ke—ke, eupša ke rata go bolela se ke se tsebago, ke rata go se abelana le yo mongwe gape. Eupša bodiredi bja ka ke go balwetši, le ka balwetši, re swara modiradibe.

<sup>165</sup> Go no swana le go tšea tšeletši gomme wa e bea godimo ga huku, ga o laetše hlapi huku, o mo laetša tšeletši, o tšea tšeletši gomme a hwetša huku. Kafaio yeo ke tsela ya go rera Ebangedi, ke go le laetša, go le laetša Kriste. Gomme ka kua, A ka kgona go go swara, le go go etapele, le go go hlahlwa, le go go ntšhetša ka ntle ga moela wo o kgotletšwego moo o hwago ka lerole la saga ka maswafong a gago, le go go bea ka meetseng a Bophelo bjo Bosafelego, moo o ka kgonago go thutha ka tokologo. O no leka go go direla se sengwe se sebotse.

<sup>166</sup> Bjale, nna . . . Ga go motho lefaseng a ka kgonago go fodiša motho yo mongwe, re tseba seo. Ngaka a ka se kgone go e dira, ga go sehlare se ka kgonago go e dira. Ga se gwa ke gwa ba sehlare se se fodišitšego mang kapa mang, gomme se ka se tsoge sa ba, gomme ga go ngaka ya monagano wa go kwagala e ka bolelago gore go be go le. Ge a dira, o—o hloka phodišo ya monagano.

<sup>167</sup> Ke ile ka botšollišwa go Kliniki ya Mayo, ba rile, “Ga re ipolele go ba bafodiši, Moruti Branham, re bolela gore re thuša tlhago, go na le Mofodiši yo motee, yoo ke Modimo.” Le a bona? Modimo ke Mofodiši a nnoši. Gomme se Modimo a se dirago bakeng sa phodišo ya Gagwe, O šetše a dirile ditokišetšo bakeng sa gago, selo se nnoši o swanetšego go se dira ke go e amogela.

<sup>168</sup> Gabotse, lebelela fa, seo ga se ye gabotse kudu, ke a boifa. Go ka reng ge ke be ke dikološa koloi ya ka, goba ke dira se sengwe, ke robile letsogo la ka, gomme ka kitimela go ngaka, gomme ka re, “Ngaka, le fodiše; o mofodiši.”

<sup>169</sup> O be a tla re, “Ngwanešu Branham, o hloka phodišo ka hlogong ya gago.” Gomme yeo ke nnete. Bjale, a ka kgona go

le beakanya, eupša Modimo o swanetše go le fodiša; a ka kgona go tloša leino, eupša Modimo o swanetše go fodiša moo leino le tšwago gona; a ka kgona go ntšha lelana, eupša Modimo o swanetše go fodiša.

170 Yo mongwe o rile, “Go reng ka phenisilini bakeng sa mokgohlwane wo mobe?”

171 Gabotse, phenisilini e bjalo ka ge o na le ntlo e tletše magotlo gomme a thibola mašoba ka ntlong. O bea ntle mpholo tsoko wa legotlo, o bolaya magotlo, eupša ga o thibe mašoba. Phenisilini e bolaya ditwatši, eupša Modimo o swanetše go bušetša seo morago gape moo twa—twa—twa twatši e jelego. Nnete. Ga go phodišo eupša Modimo.

172 Lebelelang, ge nka sega seatla sa ka ka thipa gomme ka wela fase ke hwile fa, ga go se—se sehlare lefaseng se ka kgonago go fodiša seatla sa ka. Sehlare e ka ba sefe se ka fodišago seatla sa ka, mosego ka seatleng sa ka se tla fodiša mosego ka jaseng ya ka.

173 Gabotse o re, “Ga se sa direlwa jase, Ngwanešu Branham, se diretšwe mmele wa motho.”

174 Go lokile, a nke ke wele fase ke hwile, gomme o nkiša kua mmušareng, gomme o omiše mmele wa ka ka seela sa go omeletša, le go ntira ke lebege tlhago lebaka la mengwaga ye masometlhano, o mphe tlhabelo ya phenisilini letšatši le lengwe le le lengwe, o dumelele dingaka di tle di e hlatswe, ba e roke, mo mengwageng ye masometlhano go tloga lehono, o lebega feela tlwa boka o bile ge o be o segwa.

175 Gabotse, o re, “Kgontho, bophelo bo tšwile go wena.”

176 Gona mofodiši ke ofe, sehlare, goba bophelo? O mpotša gore bophelo ke eng, gomme ke tla go botša gore Modimo ke Mang. Le a bona? Le a bona? Modimo ke Mofodiši.

177 Bjale, seo ga se tloše sehlare, sehlare se dira gabotse, “Gomme pelo ya lethabo e dira botse boka sehlare.” Le a bona? Bjale, eupša Modimo ke Mofodiši a nnoši.

178 Kafao tsela e nnoši o ka kgonago, ge ngaka ya gago a dirile tšohle a ka kgonago go di dira, Modimo o mo go go dira o fole. Ge o tladitšwe bjalo ka Moya wa Gagwe, le maatla, le tumelo, gore o ka kgona go itsošetša wenamong go tumelo go sepelela ntle go se sengwe sa kgontho, Modimo, gona o ya go sepela, go phela, le go loka. A ka se tšee o tee gomme e sego yo mongwe, O tla ba tšea bohle.

179 Bjale, bodiredi bja ka ke bodiredi bjo Morena Jesu a bo šomišitšego mo lefaseng, bjalo ka ge Tate a Mo šomišitše bakeng sa tlhatho. Re ile go yona bošegong bja go feta; bontši bja lena bohle, ke a thanka, le be le le fa mantšiboeng a go feta.

180 Bjale, re fa dikarata tša thapelo letšatši le lengwe le le lengwe bonanana, ka baka la gore re dumela gore e ka ba mang le yo mongwe le yo mongwe o a fodišwa.

181 Bjale, le no elelwa, badiša, go tšwa kopanong ya bošego bja go feta, go ne batho ba bantši bao ba dutšego fa bao ba bego ba se tikologong ya mothalo wola wa thapelo ba fodišitšwe. Nka kgona go e bolela.

182 Morwa wa ka o rile, le ngwanešu fa, ge re tšwile mojakong, o rile, “O tšere botelele kudu gannyane.”

183 Ke rile, “Ke a tseba, eupša nka e thuša bjang? Bona batho ba go ratega ba dutšego fale ba letile, gomme ke nno dula, ke phetho.”

184 Lehono ke nno robala letšatši lohle, gobane ke e kwele, kudu . . . ? . . .

185 Kafao, le a bona ke tumelo ya gago—ya gago, ke tumelo ya gago ka go Modimo, tumelo ya gago mong ya motho ka motho. Ge nka kgona go go fodiša, ka nnete ke tla e dira, ke tla thaba go e dira, eupša nka se kgone. Eupša ka mpho ye Kgethwa, sa pele, “Tumelo e tla ka go kwa, go kwa Lentšu.” Gona ge tumelo e etla gomme o kwa Lentšu, ge seo se sa šome, ka moo wena goba nna ke tla amegago, ge batho ba sa dumele lentšu la rena seo se tla e ruma, eupša e sego Modimo.

186 Ka morago ga ge A rometše Lentšu la Gagwe, morago O beile ka kerekeng pele baapostola, baprofeta, baebangedi, le badiša, le go ya pele, ka Kerekeng ya Gagwe go phethagatša Kereke. Bjale, dilo tše ke mpho ye Modimo a e beago ka Kerekeng.

187 Bjale, ke lebetše, eupša Billy o mpoditše gore o file dikarata tša thapelo, eupša ke a le botša . . . Thapelo . . . B. B. Ke a le leboga. Tee go fihla go lekgolo? Tee go fihla go lekgolo. Go lokile, re thomile kae bošegong bja go feta? Tee? A re thomeng felotsoko gape bošegong bjo. A re thomeng go tloga go masomepedi tlhano bošegong bjo. B, masomepedi tlhano, karata ya thapelo B, masomepedi tlhano. Ke mang? Mohumagadi o na le yona? Etna thwi mo. B, masomepedi tshela. E na le B godimo ga yona le nomoro *masomepedi tshela*. Mošemane o tla tlase, yo mongwe wa bašemane, o di hlakanya tšohle mmogo, le go di neela go e ka ba mang yoo a di nyakago, le a bona, o ka kgona go ba le tšona, feela nomoro go ka bitšwa.

188 Ga wa swanela go ba le karata ya thapelo. Moo yo motee a fodišwago mo sefaleng, go na le masomepedi tlhano ba fodišwago ntle kua. Nnete. Ke tumelo ya gago. Ke ba bakae ba bilego fa bošegong bja go feta go bona seo se direga? Phagamiša seatla sa gago. Gohle ntle go kgabola batheeletši, ga go kgathale o mang.

189 A re boneng. Re thomile kae? B, eng? Masomepedi—masomepedi tlhano? masomepedi tshela, masomepedi šupa, B, masomepedi šupa, masomepedi seswai, masomepedi senyane,

masometharo, masometharo tee. A ke bone masometharo tee, B, masometharo tee? Masometharo tee, masometharo pedi. Lebaka le re dirago se, ga re ba nyake bohle ba kitima ka nako e tee. Ga se—ga se arena, ke—ke kereke bjale, le a bona. Le a bona, e boloka se sengwe le se sengwe ka go hlomphega le ka lenaneo. Ke ba bakae ba bonago gore yeo ke nnete? Ke tsela e nnoši o ka kgonago go e dira.

<sup>190</sup> Go ka reng ge ke rile, “Ke ba bakae ka fa ba nyakago go rapelelwa?” Ke ba bakae ba dirago? Phagamišang diatla tša lena. Bjale, ke mang wa pele? Ga re ye go fihla go bontši kudu, seo ke selo se tee kgonthe, gobane se no mpolaya. Le a bona? Gomme go tla ba, ka gore yo mongwe le yo mongwe mo go tla ba yo mongwe ntle ka kua a e amogelago. Le a bona?

<sup>191</sup> O ile bokgole bjo bokae go kgabola kua, Ngwanešu . . . ? . . . O reng? B masometharo pedi. B, masometharo pedi. Oo, o e hweditše. B, masometharo tharo, masometharo nne, B, masometharo nne, masometharo tlhano, masometharo tshela. A ke bone masometharo tshela, hle? B, masometharo tshela, masometharo šupa, masometharo seswai, masometharo senyane, masometharo senyane. A o ka phagamiša seatla sa gago, e ka ba mang a nago le yona, hle? Masomenne, masomenne, B, masomenne. Go lokile.

<sup>192</sup> A seo se lekanetše? Le na le sekgoba se sengwe gape tlase kua? Sekgoba se sentši? Go lokile, masomenne tee, masomenne pedi. Nomoro ke eng? Masomenne pedi, ke mang a nago le yona? A ke masomenne pedi ba phagamilego kua? B, masomenne tharo, karata ya thapelo B, masomenne tharo. Masomenne nne, masomenne tlhano, masomenne tlhano. Godimo fa e a tla. Masomenne tshela, B, masomenne tshela, masomenne šupa, masomenne šupa. Lebelelang gomme le bone. Yo mongwe lebelela seo, ke bona mohumagadi fa yoo a nago le thapelo . . . O reng? Masomenne šupa.

<sup>193</sup> A re e tšeeng go fihla go masometlhano, o ba pakela ntle kua felotsoko. Masomenne šupa, masomenne seswai. Ke mang a nago masomenne seswai? Masomenne senyane, masomenne senyane. Moragorago, moragorago, go lokile. Ba di fa gohle gohle moagong. Masomenne senyane. A nke mohumagadi a tle tlase. Masometlhano. Ke mang a nago B, masometlhano? Karata ya thapelo B, masometlhano, a o ka . . . ? A ga e gona? Ke maswabi. Morago kua, moo ba tlogo. B, masometlhano.

<sup>194</sup> A re leteng, ba na le lešaba ka moka le eme ka mo, gomme kafao a re ba dumelelelang go lokologanya batho, le go ba le yona e lokišitšwe ka holong le go theoga ditepisi. Gomme bjale ke nyaka go botšiša, e ka ba mang . . . A o be o eme, mohlomphegi, bakeng sa . . . ? Go lokile, etla pele ka gare. Go lokile.

<sup>195</sup> Bjale a re e swareng fale feela gannyane nthatana. Bjale, ke ba bakae ka fa bao ba se nago karata ya thapelo gomme o nyaka

Modimo go go fodiša? Phagamiša seatla sa gago. Gabotse, ka kgonagalo ke mogohle. Go lokile. Jesu o rile. . .

<sup>196</sup> (Ge go na le yo mongwe mo yo a bego a se mo bošegong bja go feta ge o badile ditaelo, ge ba sa lokologanya batho.)

<sup>197</sup> Jesu o boletše ka Lengwalong, goba Beibele e rile, e sego Jesu, a ke re, gore ge A fetile lešaba, gobaneng, o ile godimo ka nageng ye e itšego, gomme go be go le batho ka kua ba ba bego ba le gohle go Mo dikologa, le go Mo dumediša, gomme go be go le mosadi a na le taba ya madi, gomme o gateletše go kgabola lešaba gomme a kgwatha morumo wa Gagwe wa kobo ya Gagwe, ka gore o rile, “Ge ebile nka kgwatha morumo wa kobo ya Gagwe, ke tla dirwa go fola.” Ke ba bakae ba elelwago kanegelo yela? Gomme, ka pela, O e kwele.

<sup>198</sup> Bjale, re swantšhitše bošegong bja go feta, *fa* go be go le kobo go dikologa Mong ka seaparo sa ka fase. Ga se a e kwa nameng, gobane o kgwathile *ye*, eupša yela *ka gare* e e kwele.

Gomme O rile, “Ke mang a Nkgwathilego?”

Gomme Simone Petro bontši bjo a Mo kgadilego le go re, “Gobaneng O bolela selo se sebjalo? Bohle ba bona ba a Go kgwatha.”

O rile, “Eupša Ke a bona gore Ke fokotše, bokwala bo tlogile go Nna.”

<sup>199</sup> Gomme O lebeletše gohle go dikologa godimo ga batheletši go fihla A hweditše motho. Ka gona ge A hweditše motho, O rile, o mmoditše ka taba ya gagwe ya madi, gore tumelo ya gagwe e mo fodišitše. A yeo ke nnete? Tumelo ya gagwe e mo fodišitše.

<sup>200</sup> Bjale, Beibele e boletše gore Jesu Kriste o a swana maabane, lehono le go ya go ile. Yeo ke therešo. Gomme go banna ba ba baruti *fa* le go morago ka fale, a Lengwalo ga le re rute, Testamente ye Mpsha, gore Yena ke Moprista yo Mogolo yo a kgonago go kgwathwa ke maikutlo a mefokolo ya rena? Gabotse, ge A le Moprista yo Mogolo wa go swana, wa go swana maabane, lehono, le go ya go ile, gona ge Yena, ge a kgwathilwe, O tla dira ka tsela ya go swana yeo A dirilego maabane, gobane A ka se kgone go dira gape, Yena ke Moprista yo Mogolo wa go swana.

<sup>201</sup> Gomme elelwa se, mogwera, ge re sa dira batho gore ba be komana, ke nyaka go tlogela se le wena, ge e ka ba mang a ka tsoge a go botšiša ka yona: A o a dumela gore Modimo ke mohlokamagomo? Ka gona, ge Modimo a kile a biletšwa lefelongtiragalo la tlalelo le tsogago, gomme ge Modimo a kile a biletšwa lefelongtiragalo go dira, ka tsela ye Modimo a dirago lekga la mathomo, O swanetše go dira go ya go ile ka tsela ya go swana, ge A sa dire, O dirile phošo ge A dirile lekga la mathomo.

<sup>202</sup> Ge modiradibe a Mmuditše go ka phološwa, O swanetše go phološa modiradibe yola ge A phološitše modiradibe wa mathomo yoo a Mmuditšego. Yeo ke nnete. Ge A bileditšwe

bolwetši, gomme O fodišitše motho wa mathomo ka tumelo ya gagwe, O swanetše go fodiša monna yo a latelago le motho yo mongwe le yo mongwe yo a tlogo go Yena, goba ge A se a dira, O dirile phošo ge A fodišitše wa mathomo, gobane Yena ke mohloka magomo.

<sup>203</sup> Bjale, nka bolela se sengwe, ke swanetše go se gomiša, gobane ke no ba motho. O ka bolela se sengwe ka maikemišetšo ohle a mabotse, eupša o swanetše go se gomiša makga a mantši, o na le magomo, o no ba motho. Eupša Yena ke Modimo. Yena ga a tsebe. . . Yena ga se setswerere lehono go feta A—go feta A bile kua mathomong; O phethagetše go tloga mathomong go fihla bofelong, O a swana. Kafao diphetho tša Gagwe ka mehla di a swana, ka phethagalo. Kafao Modimo yo re mo hlankelago, e nong go elelwa se, e nong go e boloka ka monaganong wa lena, Modimo yo re mo hlankelago ka mehla o bile Modimo gomme ka mehla o tla ba Modimo, A ka se kgone go fetoga.

<sup>204</sup> Gomme go iponagatša ka Boyena pele ga Israele go bontšha gore O be a le Mesia, le go fetšeng ka lebaka lela la Bajuda, O bontšhitše maswao a tlhatho boka A dirile go Filipi. Ge a ile le go tšea Nathaniele le go mo tliša, O mmoditše, “Ke tsebile moo o bego o le gona, o Moisraele, ke go bone ka tlase ga mohlare pele o etla kopanong.”

<sup>205</sup> Ge a ile gomme a tšea Simone Petro, a mo tliša, O rile, “Leina la gago ke Simone, leina la tatago ke Jona.” Oo, nna! Seo—seo se mo hweditše.

<sup>206</sup> Gomme ge A boditše Nathaniele, O rile, “Bonang Moisraele, yo ka go yena go sego bomenetša!”

<sup>207</sup> O rile, “Rabi,” moruti, moreri, morutiši, lentšu ka kgonthe le ra *morutiši*, “O ntsebile neng? Wena ga se nke wa ke wa mpona bophelong bja Gago. O tseba bjang gore ke nna monna wa moloki le Mohebere?”

<sup>208</sup> O rile, “Pele Filipi a go bitša, ge o be o le ka tlase ga mohlare, Ke go bone.”

<sup>209</sup> O rile, “Rabi, Wena o Morwa wa Modimo; Wena o Kgoši ya Israele.” Yoo e be e le wa kgonthe, Mojuda wa therešo.

<sup>210</sup> Yo mogolo yola, Mojuda wa kgokgorothwana o rile, “Yena ke diabololo,” gore “Yena ke mmolelelamahlatse.” Ke ge Jesu a boletše se ke boletšego ka sona lebakana la go feta.

<sup>211</sup> Ka gona O ile a swanela go ya tlase Samaria. Elelwang go ne magoro a mararo feela a batho, bao ke batho ba Hama, Seme, le batho ba Jafete. Ke ba bakae ba elelwago gore Jesu o file Petro dikgonyo tša Mmušo? Bohle re tseba seo. Gomme ka Letšatši la Pentecost, ke mang a butšego Mmušo wa Modimo? Mateo? Mareka? Luka? Johane? Petro.

<sup>212</sup> Filipi o ile tlase gomme a kolobetša Basamaria. Eupša Moya wo Mokgethwa o be o sešo wa tla go bona, gomme o rometše

monna yo a bego a swere dikgonyo. Go tleng tlase, o beile diatla godimo ga bona, o butše lebaka go Basamaria. O ile godimo ntlong ya Koronelio go Bantle, gomme a o bula ntlong ya Koronelio, gomme ge e sa le go tloga nako yeo e bile go e ka ba mang, goba e ka ba mang. Le a bona? Dikgonyo ga se tša šomišwa gape, gobane Mmušo o butšwe.

<sup>213</sup> Bjale, ge Jesu a etla le go itira Yenamong go tsebja go Bajuda, gobane ba be ba lebeletše go tsoga ga mo—mo Modimo Moprofeta yo a tla bago Mesia. . . Ke ba bakae ba kwešišago seo?

<sup>214</sup> Doiteronomio 18:5, ge Modimo a rile, “Ke tla tsoša Moprofeta magareng ga baena ba lena, ke. . . boka Moshe. Gomme go tla direga gore soulo ye nngwe le ye nngwe e ka se kwego Moprofeta yo, e tla kgaolwa go tloga magareng ga batho.” Gomme ba be ba lebeletše Moprofeta, Modimo Moprofeta, Monna, Imanuele.

<sup>215</sup> O boletše ka go Jesaya le go bolela ka fao gore “Ke tla le fa leswao la Gosafelego, gore kgarebe e tla ima gomme ya belega Ngwana. Gomme O tla ba Imanuele, ‘Modimo o na le rena,’ Modimo a bonagaditšwe nameng.”

<sup>216</sup> Le a bona, sohle se lego ke Modimo a ipoetša, Modimo, yo mokgethwa, ka godimo ga sebe, sebe se be se sešo sa ahlolwa, kafao go itira ka Boyena go molao wa topollo, O be a swanetše go ba wa Lelokokgauswi wa kgauswi godimo ga molao wa topollo, boka Ruthe, le Naomi, Boase. Modimo o itiretše mmele ka Boyena, Morwa wa Gagwe, a hlotšwego ka popelong ya Maria, Sele ya Madi. A le dumela seo? Gomme Jesu o tswetšwe ntle le tumo ya thobalano, O tswetšwe tswalo ya kgarebe, Sele yela ya Madi e dirilwe ke Jehofa Modimo.

<sup>217</sup> Ka gona ka morago ga ge A kolobeditšwe ka meetseng, Johane o bone Moya wa Modimo o theoga boka leeba gomme o eya godimo ga Gagwe, Segalontšu se re, “Yo ke Morwa moratwa wa Ka,” ka go nepagala, ka mokgwa wo: “Yo Ke kgahlwago ke go dula ka go yena.”

<sup>218</sup> Modimo o be a le ka go Kriste a boelanya lefase go Yenamong. Jesu o rile, “Ga se Nna yoo a dirago dilo tše, ke Tate wa Ka. Morwa ga a kgone go dira selo Yenamong, eupša se A bonago Tate a se dira.”

<sup>219</sup> Gomme ka gona Modimo o be a na le rena, Modimo ka godimo ga rena, Modimo o na le rena ka go Kriste, Imanuele, Modimo o na le rena. Gomme ka gona ge Sele yela ya Madi e thubilwe Khalibari gomme Madi a tšholotšwe, Moya, ka tlase ga lebaka la kgale, sebe se be se nno khupetšwa, e sego go lebalelwa, go khupetšwa, gobane madi a dipudi le dipoo a be a sa tloše sebe, a be a no se khupetša, eupša ge bo—bo—bo bophelo bjo bo bego bo le ka go phoofolo ye e hwilego, bophelo bo be bo sa kgone go tla morago le go ba moya le motho, gobane e be e le bophelo bja phoofolo ntle le soulo, eupša ge Jesu a hwile, E be e le Soulo ya Modimo, gomme ge Sele yela e thubilwe, e hlwekišitše Kereke

gore Moya wo Mokgethwa o kgone go phela ka go rena ba re tswetšwego ka thobalano. Gona ke Modimo ka godimo ga rena, Modimo o na le rena, bjale Modimo ka go rena.

<sup>220</sup> “Lebakana le lennyane gomme lefase le ka se Mpone gape,” go boletše Jesu, leo ke *kosmose*, tshepedišo ya lefase, “le ka se mpone gape, efela lena le tla Mpona,” *lena*, Kereke, badumedi, “gobane Nna,” gomme mang kapa mang ka thuto ya sekolo sa popopolelo o a tseba *Nna* ke lešalašala, “Ke tla ba le lena, ebile ka go lena go fihla bofelong bja lefase.” Jesu Kriste wa go swana maabane, lehono le go ya go ile.

<sup>221</sup> Ge sehlopha sa pele sa batho . . . Yena ke Morara, Johane 15, gomme rena re makala. Bjale, morara ga o enywe kenywa, lekala le enywa kenywa bjalo ka ge le maatlafatšwa ke morara. Gomme ge lekala la pele go tšwa go Morara wola le tšweleditše kereke ye e ngwadilego Puku ya Ditiro, lekala la bobedi le tla dira selo sa go swana, lekala le lengwe le le lengwe leo le tšwago go Morara wola le tla maatlafatšwa ke Bophelo bja go swana bjoo bo lego ka go Morara. Amene.

<sup>222</sup> Ke tla rata go tla tlase nako ye nngwe le go bolela se godimo le lena. Oo, ga se sephiri se Modimo a ka se dirago ge A ka kgona go hwetša batho ba ba tla Mo dumelago.

<sup>223</sup> Bjale, fao . . . Ke a holofela ga go yo a tlogago mo bošegong bjo a nyamile, ga go lebaka la yona. Ba bangwe ba lena mo, ba mo mohlomongwe ka bothata bja pelo, ba ka no se phele eupša lebakana le lennyane feela; ba bangwe ka kankere, ba ka se phele eupša lebakana le lennyane, ngaka ya gago e dirile tšohle a tsebago go di dira. Batho bale ba babedi goba ba bararo šeba ba dutše fa ka ditulong tša bagolofadi, ba ka no phela bophelo bja go itekanela, nako ye telele, eupša o ka se tsoge wa tšwa go setulo sa bagolofadi ntle le ge Modimo a go thuša. Le a bona? Yeo ke nnete.

<sup>224</sup> Eupša ka mehla ge o tšea motho ka go setulo sa bagolofadi, ba nagana, “Gabotse, ga ke na kholofelo.” Aowa, ga o dire, ga go bothata kudu go Modimo go go fodiša go feta ka mo go ka bago go emiša bohloko bja leino, Yena ke Modimo mohlokamagomo. O no swanela go Mo dumelela go ba le taolo, gomme morago wa bea tumelo ka *fa*, gomme e ya go šoma. Thwi ka pela o ka no se bone selo se direga.

<sup>225</sup> Eupša le elelwa Mokgethwa Mareka 11:24? Jesu o fetile kgauswi le mohlare, go be go se mago godimo ga wona, O rile, “Ga go motho a jago go tšwa go wena,” o hlabetše pele. Ga se ba bona phapano ka go mohlare wola, eupša tlasetslase ka tlase ga mobu mo medung, o thomile go hwa. Gomme mo diiring tše masomepedi nne ge ba feta gape, o be o thomile go pona.

<sup>226</sup> Seo ke selo sa go swana se diregago ka kankere. Ge Moya wa Modimo o rogaka selo seo, o ka no boela morago go ngaka go lebega feela go swana. Eupša tlasetslase botebong, e

a hwa. Le a bona? Tlasetlase botebong, godimo ga gago ge o amogetše Kriste bjalo ka Mofodiši wa gago, mohlomongwe o ka šišinya monwana woo gannyane fela, bontši gannyane nthatana, Modimo o mošomong. “Dumela se o se bolelago se tla direga, gomme o ka ba le se o se bolelago.” Ge seo e se therešo, gona Modimo ga se therešo, gona Beibele ga se therešo.

<sup>227</sup> Bjale, O dira eng? Bjale, ga A fe motho maatla go fodiša, ešita go phološa. Ga go motho a ka lebalelago dibe tša gago, se šetše se lebaletšwe, o no swanela go amogela tshwarelo ya gago. Ga go motho a ka kgonago go go fodiša, eupša Modimo o šetše a go dirile, o no swanela go e amogela, ke phetho. Gomme mohlomongwe o ne tumelo ya peu ya masetete, feela nthatana gannyane, eupša ge o na le tumelo ya peu ya masetete, e no swarelela go yona, peu ya masetete e ka se hlakane le selo gape; gomme ge o na le tumelo ya kgonthe, e ka se hlakane le gosedumele, swarelela go yona, e tla go tatetša go dikologa sekhutlo le go go hwetša ka ntle ga lewa, fao go na le Seetša. E no swarelela go yona, le a bona, swarelela go yona.

<sup>228</sup> Boka Abraham a dirile, mengwaga ye masomepedi tlhano ka bopaki bja go phethagala, ga se nke a thekesela ka gosedumele. Gomm nako yohle, o bile go tšofala, gomme taba e bile go se kgonege kudu, eupša sebakeng sa go fokola, le go re, “Gabotse, ke a thanka ga se nke ka ke ka e hwetša,” o be a tiile, a efa tumišo go Modimo. “Ge e se ya tla ge ke be ke le masomešupa tlhano, e tla tla ge ke le masomeseswai. Ge e sa tle go fihla ke le masomeseswai tlhano, e tla ba ye kgolwane go feta e bile ge e etla ge ke be ke le masomešupa tlhano.”

<sup>229</sup> O ile pele go lekgolo gomme Modimo o dirile mohlolo, a mo retollela morago go lesogana, yena, le Sarah, lekgarebe. Ba godišitše bana, ka gona ka morago ga fao, ka morago ga mengwaga ye masomme tlhano moragwana o bile le barwa ba bangwe ba šupa. Modimo ke Modimo. Ee, mohlomphegi. O ba retolletše morago go lesogana le lekgarebe gape.

<sup>230</sup> Go molaleng le badile dingwalwa tša ka ka seo; ke tlwa se A se dirilego. Gobaneng—gobaneng Kgoši ya Gerare, tlase kua, a ratile Sarah, makgolo yo monnyane, bogolo bja mengwaga ye lekgolo, a nyaka moratiwa? O be a le yo mobotse, lekgarebe. O mo retolletše morago go lekgarebe go bontšha gore ka . . . se A tla se dirago go Peu yohle ya Abraham.

<sup>231</sup> A mangwe a matšatši a, mme, mašoša a tla tlogela sefahlego sa gago; papa, moriri wola wo mopududu o tla wa, Modimo wa Abraham o tla tla, dilo di tla fetolwa nako yeo. Re tla tla morago ka go panya . . .

<sup>232</sup> Mpotšeng selo se tee, mpotšišeng se: Gobaneng go bile ge o eja dijo, dijo tša go swana o di jago bjale ge o be o le bogolo bja mengwaga ye lesometlhano, o be o mpshafatša bophelo bja gago, nako le nako ge o bea dijo ka mmeleng wa gago, o mpshafatša

disele tša bophelo bja gago tša madi, o tioletše kudu le go tielela go fihla e ka ba masomepedi tlhano, gomme bjale ga go kgathale o ja bontši gakaakang, o ya tlase? E hlaloše go nna.

233 O tšhela meetse ka gare, go tšwa go jeke ka galaseng, e ba leteka, ka gona ge o tšhela bontši, e ya fasefase. Ke peelano o nago le yona le Modimo, o ya go kopana le yona, le wena. Nnete tlwa. Ee, mohlomphegi, eupša elelwa, o dumela go Yena.

234 “Yo a kwago Mantšu a Ka, gomme a dumela go Nna, Yo a Nthomilego o na le Bophelo bjo Bosafelego. Gomme Ke tla mo tsoša ka letšatši la mafelelo.” Yeo ke nnete. “Ke tla Mo tsoša.” Modimo o lahlegelwa- . . . Gomme go ka se tsoge gwa ba motho wa motšofe a tsogilego, ba tla ba baswa Kua go ya go ile. Yeo ke tlwa.

235 Bokriste bo theilwe godimo, e sego peolegatong, go tsenagape ka mmeleng, eupša tsogo, ona wa go swana o ilego tlase, o tla godimo, eupša ka go phadimo ya go se hwe, “o dirilwe go swana le mmele wa Gagwe Mong wa letago, moo A kgonago go gatelela dilo tšohle go Yenamong.” Seo se tla dira Mobaptist go goelela. Ee, se tla dira.

236 Ke kgonthe, oo, ke kgonthe, kgonthe, kgonthe. Gomme—gomme go nagana, gore ga ka swanela go thanka ka yona. Modimo yo a dirilego tshepišo o thwi mo bošegong bjo go ipontšha Yenamong magareng ga rena, o tsogile go tšwa bahung mengwaga ye dikete tše pedi, gomme o sa phela bošegong bjo. Gona Bophelo bjola bjo Bosafelego bjoo bo khutšago ka gare ga gago, bo no ba go phela bjalo ka ge bo bile, gobane ka mehla bo be bo no phela, gomme bo go tlišitše ka tlase ga taolo ya Gagwe. “Gomme Ke tla go tsoša mo letšatšing la mafelelo.” Modimo ke kgonthe. A ga A makatše?

237 Go lokile. Bjale re tla thoma mothalo wa thapelo. A se . . . ?

238 Ke ba bakae ka fa ba lego basetsebje go nna, bao ke sa le tsebege, goba go tseba e ka ba eng ka lena? Phagamiša seatla sa gago. Go theoga mothalo wa thapelo, yo mongwe le yo mongwe wa lena? Ke ba bakae le nago le bona ntle fale bjale, masometlhano? Go thata go ba fetiša. Re—re ka se eme, go hwetša tlhatho go yo mongwe le yo mongwe, eupša gore batho ba ke ba kwešiše, ba tsebe. Le a bona? Re tla no fetiša feela ba bantši ka mo re ka kgonago.

239 Lena ntle kua, rapelang. Bjale e nong go tšea matshwenyego ohle a lena le dilo gomme le a lahlele ka thoko. Ye ke nakwana yeo, bagwera, bao le emego le go e letela. Bjale ke swanetše go goma gonabjale, gobane go tloga fa go ya pele, e ka se be nna.

240 Go ka reng ge Jesu a ka be a eme fa a apere sutu ye yeo A bilego le Ngwanešu Palmer go mpha? Go ka reng ge A be a apere sutu ye, gomme mosadi yo o be a eme pele ga Gagwe, gomme o be a tla re, “Mohlomphegi, ke a babja, a O tla mphodiša?”

241 Le tseba se karabo ya Gagwe e bego e tla ba sona? “Ngwana, Ke dirile seo ge Ke go hwela morago kua sefapanong.” A yeo ke nnete?

242 Gabotse bjale, selo se nnoši A ka kgonago go se dira e tla ba go dira mohuta tsoko wa leswao go mo dira a tsebe, a bolele se sengwe go yena gore O tla mo dira a tsebe gore e be e le Yena. A yeo ke nnete? Bjale, ga ke tsebe selo ka yena, eupša ka mpho ye ke ineelago nnamong go Yena, gomme O bolela ka dipounama tša ka.

243 Modimo ga a na dipounama tše di itšego eupša tša gago le tša ka, Yena ga ne ditsebe goba mahlo eupša a ka le a gago. A le be le tseba seo? Re makala, O no ba Morara. Morara ga o enywe kenywa, makala. Le a bona? O mo ka sebopego sa Moya, O tla tla nameng, letšatši le lengwe, ka mmeleng wa nama, eupša bjale Yena ke Moya ka Kerekeng ya Gagwe.

244 “Ka letšatši leo le tla dira bjale gore Ke ka go Tate, gomme lena ka go Nna, gomme Nna ka go lena, gomme Yena,” go ya pele. Le a bona? “Letšatši leo le tla tseba e bile Nna le Tate wa Ka re šoma ka go lena.” Le a bona? Modimo ka go rena.

245 Bjale, ge A swana bjalo ka ge A bile nako yela, le go fa pitšo ya Gagwe ya mafelelo go Bantle. . . Ellewang, seo se rumile lebaka la Bajuda. Morago ga ge ba bile le mengwaga ya thutamodimo le thuto, bjale Kereke e bile le yona mengwaga, Bantle, bjale e tla bofelong bja bona.

246 Bjale, taba še bošegong bjo tlwa ya Mokgethwa Johane tema ya 4: Monna le mosadi ba a kopana. Gomme Modimo o nyaka go bontšha go ba—go Basamaria gore Yena ke Modimo, gomme yoo ke Mesia wa Gagwe.

247 Bjale, Mesia ke Moya wo Mokgethwa, e sego nna, bjale, go kwešiša seo, ke nna motho feela boka wena. Eupša Mesia ke Yena yoo a lego fa, Yena wa kagodimogatlhago, go fihla yo mongwe le yo mongwe wa lena a ne karolo ya Gagwe ka go lena. Le a bona? Yoo ke Mesia. Bjale, ka mpho e swanetše go tla felotsoko.

248 Bjale, ge A swana maabane, lehono, le go ya go ile, gomme mosadi yo a emego fa, gomme, o ne tlhoko, ga ke tsebe, tlhoko ya gagwe e ka no se be boka ya mosadi yola e bile, ga ke tsebe se tlhoko ya gagwe e lego, eupša ge A swana maabane, lehono, le go ya go ile, gomme O nyaka lena bohle go dumela go Yena le go tseba gore O a swana, boka A nyakile Basamaria go tseba, O tla dira selo sa go swana seo A se dirilego nako yela. A seo se a kwagala? A seo. . . ? Gomme seo ga se hlake feela, seo ke se Lengwalo le rilego O tla se dira.

249 Bjale, mo ga se ka ke ka bona mosadi ka bophelong bja ka; ge ke dirile, ke be ke sa mo tsebe. Gomme ke a thanka le ke lekga la rena la mathomo go kopana. Ga o ntsebe. O rile ga se a ke. . . Ke be ke sa mo tsebe eupša o be a le morago, ntle ka tirelong Labohlano bošego ntle kua. Nnete nka se tsoge ka tseba, feela

yo mongwe a dutšego morago ka kopanong. Ga ke tsebe selo ka yena, ga se ka ke ka mmona, ga a na le kgopolo. A ka no ba a na le bothata bja selapa ka gae, ebile a ka no be a se a nyalwa, a— a— a ka no ba, a ka no ba a eme fale feela bjalo ka mofori. Le a bona? A ka no ba a eme fale bjalo ka—ka, feela . . .

<sup>250</sup> O re, “Ke a go leboga, Jesu.” Seo ga se re gore ke Mokriste, ke kwele baikaketši ba bolela seo, le a bona, gomme makga a mantši ba ya ntle gomme ba ya gae le mogatša wa monna yo mongwe, le a bona, ba retologa, ba re, “Ke a go leboga, Jesu.” Nnete. Seo ga se re selo. O swanetše go tswalwa ka Moya wa Modimo, go ba le Sengwe ka *fa* seo se go dirago Mokriste. Ka kgonthe. Le a bona?

<sup>251</sup> A ka no ba a emetše yo mongwe gape. Ke yena mang? O tšwa kae? Ga ke tsebe. Modimo o tseba seo, ga ke dire. Eupša bjale, ge Moya wo Mokgethwa o le fa bjalo ka ge ke bolela O gona, ke nyaka le theetše se, mme, mothepa, lena bohle ka fa, theetšang, ge Jesu Kriste a tsogile go tšwa bahung, gomme a ka netefatša gore O a phela, gona ye nngwe le ye nngwe ya ditshepišo tša Gagwe e ka dirwa feela therešo go lena bošegong bjo, bjalo ka ge go bile go bona ka Galelia. Le a bona? Feela bjalo ka . . . Eupša a O a phela? Seo ke selo sa go latela.

<sup>252</sup> Bjale, Jesu o rile moloko wo o tla amogela leswao la Jona bjalo ka tsogo. Bjale, a O a phela? Ge Jesu yo re boletago ka yena . . . Re a tseba O bapotšwe, a hwa, a bolokwa, Bajuda ba rile O be a utswitše. Eupša a O a phela? O rile O tla ba, O tla tla morago gape ka sebopego sa Moya wo Mokgethwa, o ba le rena, gomme wa dira mošomo wa go swana, wa šoma ka rena go fihla bofelong bja pheletšo, goba le—le lebaka. Bjale, ge A le, O tla dira ka tsela ya go swana, A ka se dire e ka ba eng go fapana. Bjale, selo se nnoši nka kgonago go se dira ke go ineela nnamong go mpho, gomme ka gona le bone se A se boletago. Bjale, ge A ka dira se sebjalo . . .

<sup>253</sup> Bobedi mohumagadi le nna ka diatla tša rena godimo, le Beibele e robetše mo, ga se ra ke ra kopana ka bophelong bja rena. Gomme ba bantši ba lena ntle kua, ntle le pelaelo, Modimo o tla ya thwi ntle kua bošegong bjo ge o ka dumela. O re, o dira se, o re, “Morena Jesu, ke na le tlhoko ka pelong ya ka. Ke a tseba moreri yola ga a ntsebe.”

<sup>254</sup> Yo mongwe o be a mpotša se sengwe, bošegong bja go feta ge ba fetile, le a bona, ba be ba tla re, “Ke a tseba monna yola o be a sa ntsebe.” Le a bona? “O be a se ne tsela ya go ntseba.”

<sup>255</sup> Nnete, ga ke dire, eupša Modimo o a go tseba, O go tsebile pele lefase le ka tsoge la thongwa, O go tsebile. O tsebile letsetse le lengwe le le lengwe—le lengwe le le lengwe le tla bago lefaseng, gomme ke makga a makae le tla panyago mahlo a lona. Yena ke mohlokamagomo, le a bona, O tsebile bofelo go tloga mathomong. Bjale, ge . . . A ka se dire ka tsela ya go fapana, O tla swanela go dira ka tsela ya go swana.

256 O re, “Ngwanešu Branham, o diega bakeng sa se sengwe.”

257 Ke a dira. Yeo ke nnete tlwa. Ge A sa tle, ke tla no swanela go tloga fa, bakeng sa . . . Ke tla no rapelela balwetši. Ga ke na thušo ka go felela, ke swanetše go Mo letela.

258 Ke ba bakae ba bonego seswantšho sa Yona? Ba na le diswantšho ka Washington, DC.

259 Bjale, Leineng la Jesu Kriste, ke a tšea, ka Moya wo Mokgethwa, soulo ye nngwe le ye nngwe yeo e dutšego e le gona bakeng sa Mmušo wa Modimo: Obamela se o se boditšwego; go tloga bjale go ya pele, e tla ba Yena.

260 A nke batheeletši ba tsebe se: Ge nka se tsoge ka le bona gape go fihla tsogo, Moya, Bophelo, Pilara ya Mollo, Yena wa go swana yoo a etilegopele bana ba Israele, yoo le mmonago mo seswantšhong sela, E tla bontšha maswao a go swana, Yoo e be e le Jesu. O be a le ka go Yena, Pilara ya Mollo. Ke ba bakae ba tsebago seo?

261 “Pele Abraham a bile, KE NNA.” KE NNA, mo sethokgweng se se tukago. Ge A dirile ka mokgwa woo ka go Motho, O fa bjale, yona Pilara yela ya Mollo ya go swana ga e dikgato tše pedi go tloga moo ke emego gonabjale, yeo ke therešo.

262 Bjale, se A se dirago, ga ke se tsebe. Modimo a le šegofatše. Dinako tše dingwe go ntira ke idibele ka go felela, go nyakile, ge ke leka go hwetša mothalo wo ka moka wa thapelo. Eupša ge ke sa le bone gape ka lehlakoreng le la noka, ke tla le bona ka Lehlakoreng le lengwe le lengwe la matšatši a. Modimo a go šegofatše. Modimo a be le wena.

263 Tate wa rena wa Legodimong, re neela borena go Wena. Ke a go leboga bakeng sa go tla. Re a tseba kopano yohle e ka taolong ya Gago bjale. Gomme ke a rapela gore O tla tšea mohlanka wa Gago wa go kokobela, nna, mohlanka wa gago, go šomiša mahlo a ka le dipounama, bahlanka ba Gago ntle fale ka ditsebe tša bona le dipelo go kwa le go amogela.

264 Gomme ka rena, mmogo, re šoma mmogo, rena bohle, a nke maatla a Modimo a tšee taolo ya go tlala ya kopano ye, a nke go se be modiradibe yo a kgonago go tlogela moago ntle le go phološwa; a nke go se be yo motee yo a se nago Moya wo Mokgethwa, a nke ba tlatšwe bošegong bjo ka Moya, go dikereke tšohle, dikerekemaina, a nke motho yo mongwe le yo mongwe a babjago, motho yo mongwe le yo mongwe a tlaišegago a fodišwe. Re neela se go Wena, bjale. Bolela go tloga bjale go ya pele, Morena. Ka Leina la Jesu. Amene.

265 E no ba le tlhomphokgolo ka mo o kgonago.

266 Bjale ke bolela le mosadi. Morena wa rena o kopane le mosadi mo sedibeng, gomme ke dira selo sa go swana fa seo A se dirilego fale, O boletše le yena nakwana feela, gobane ke be ke rera. O be A leka go dira eng? Tate o be a Mo romile godimo kua. O

bile le tlhoko go feta Samaria. Ga se A dire selo go fihla Tate a Mmontšhitše, Mokgethwa Johane 5:19. Morago O ile Samaria, gona O be a sa tsebe a dire eng, mosadi yo o tllile ntle, O be a nno leta, A thoma go bolela le yena, a re, “Mosadi, Ntlišetše seno.”

O rile, “Ga se setlwaedi go Wena go kgopela Basamaria se sebjalo, O Mojuda.”

O rile, “Eupša ge nkabe o tsebile Yo o bego o bolela le yena, o be o tla Nkgopela seno.”

<sup>267</sup> Poledišano e ile pele go fihla A hweditše moo bothata bja gagwe bo bego bo le gona. Seo ke selo sa go swana ke lekago go se dira bjale ka Moya wa Gagwe, le a bona, go hwetša se e lego phošo fa. O dira eng o eme fa? O tla ba moahlodi ge eba ke nnete goba aowa. Le a bona? Nka kgona. . . Ga ke tsebe, eupša ge A mpotša, o tseba ge eba ke nnete goba aowa.

<sup>268</sup> Gomme ka gona ge A hweditše bothata, bothata bja gagwe e be e le maitshwarohlephi, o rile, “Sepela o tšee mogatšago, gomme le tle mo.”

O rile, “Ga ke ne mogatša.”

O rile, “O boletše gabotse, o bile le ba bahlano, yo o dulago le yena bjale ga se mogatšago.”

<sup>269</sup> O rile, “Mohlomphegi, ke a bona gore O moprofeta. Re a tseba, rena Basamaria, re a tseba gore ge Mesia a etla, O tla re botša dilo tše. Eupša ga ke tsebe O Mang.”

O rile, “Ke nna Yena.”

<sup>270</sup> Bjale, ge wena mosadi wa United States, a o a dumela Mesia o tla dira selo sa go swana lehono? A o rutilwe go dumela seo, le go dumela gore O tla dira selo sa go swana? Ke dumela seo.

<sup>271</sup> Bjale, o a lemoga gore se sengwe se a kgatlampana. Ke Morongwa wa Morena a tlogo gare ga gago le nna, a go dudišago. Mosadi o tlaišega ka se sengwe sa phošo ka letsweleng la gagwe. Yeo ke therešo. Ge yeo e le nnete, phagamiša seatla sa gago. Bjale, le a bona, ga le e bone.

<sup>272</sup> Bjale, le a dumela? Woo ke Moya wa Gagwe. Bjale, ke motho wa go makatša, ke Mokriste, Mokriste wa kgonthe. Bjale, ke motho wa go ratega go mekamekana le yena. A re boleleng le mosadi feela nakwana, re bone se Moya wo Mokgethwa o tla se bolelago. Ka gona yo a latelago, re tla no rapelela ba se nene, gore re fetše mothalo.

<sup>273</sup> Ka gona thomang go rapela thomang ntle fao, yo mongwe le yo mongwe wa lena yo a nago le tlhoko, e no thoma go rapela. Le a bona? E re, “Modimo, monna yola ga a ntsebe, eupša a nke ke kgwathe kobo ya Gago, gomme O šomiša dipounama tša gagwe le go bolela morago, gona ke tla netefaletšwa gore Jesu Kriste o a swana maabane, lehono, le go ya go ile, a efa leswao la Gagwe la mafelelo go Kereke ya Bantle, Kereke ye e bileditšwego

ntle, sehlopha se se arogantšwego, boka Abraham le sehlopha sa gagwe.”

274 Bjale, kgaetšedi, ga ke tsebe se ke se boletšego, o a bona. E ka ba eng e lego, e godimo ga theipi godimo kua, o a bona. E ka ba eng e bilego, e be e lokile, a e be e se yona? Bjale, ga ke ne tsela ya go go tseba, nka—nka se go tsebe go tšwa go e ka ba mang. Eupša yeo ke tsela e nnoši, go na le Sengwe sa kagodimogatlhago mo bjale se se go tsebago, o a bona. O lemoga seo. A o nagana ke Morena Jesu? A o nagana ke Moya wa Gagwe o bolelago ka nna, o a bona, bjalo ka mohlanka wa Gagwe? O a dira. Ke a go leboga.

275 Ee, ke a bona ke mosadi, bothata bja gagwe, ke bo bona morago gape bjale, bo ka letsweleng la gagwe—la gagwe. Yeo ke nnete. Gomme o ne bothata ka lehlakore la gagwe. Therešo. O na le bothata ka pelo ya gago, bothata ka mogolo wa gago. Yeo ke nnete, a ga se yona?

276 Bjale, a ke thankile seo? Moya wo Mokgethwa o fa, le a bona, o utolotše. Aowa, o tseba ge eba yeo ke nnete goba aowa. O phagamiša seatla sa gagwe, ka potego, yeo ke therešo.

277 Bjale, le a tseba gore go na le Sengwe mo, Moya tsoko wo o tsebago mosadi yola, go tšwa Beibeleng, tshepišo ya Modimo. A Yena ga a makatše? Le a Mo dumela bjale? E nong go lesa seo se dule fase.

278 Ga ke go tsebe, Modimo o a dira. Go ka reng ge Modimo a ka mpotša gore o mang? O tsebile Simone Petro, O tsebile Filipi. O nagana O a go tseba? A seo se tla go thuša? Gabotse, Moh. Taylor, eya gae, o fentše bolwetši bja gago, Jesu Kriste o go dira o fole.

279 Lili ya Moeding, Naledi ya Moso, Rosa ya Saron, Lili ya Moeding, Yo a Bilego, Yo a lego, gomme a Tla Tlago, Modu le Lehlogedi la Dafida, oo, bogoši bja Gagwe, kgaogelo ya Gagwe, bobotse bja Gagwe, Moya wo Mokgethwa wa Modimo, mo sefaleng!

280 Bakeng sa lesea la gago? Ba bantši ba tlaišega ka bolwetši bja go swana. A o a dumela pelo ya lona ye nnyane e tla fola gomme le tla loka? A o a dumela?

281 Tate Modimo, lesea ke le lennyane kudu go ba le tumelo, a nke le fole, Leineng la Jesu Kriste. Amene.

282 O se belaele. Lesea le tla phela. Eya gae gomme o leboge Modimo bjale.

283 Etle, kgaetšedi. Go bjang? Re basetsebane seng sa rena.

284 Ke ikwela seo go tšwa felotsoko gore ke bala monagano wa bona. Le se ke la dira seo, le šitiša kopano.

285 Mo, bea seatla sa gago godimo ga sa ka, kgaetšedi. Bjale ke re ge Modimo a mpontšha ntle fa se bothata bja gago e lego, o phagamiše seatla sa gago ge e le therešo. O tlaišega ka bothata

bja sehumagadi, bothata bja sesadi. Ge seo e le therešo, emišetša seatla sa gago godimo, mohumagadi yo mo. Mohumagadi. . .

286 Bjale, a seo ke go bala monagano?

287 O fodile bjale, kgaetšedi. O ka boela morago gae. Modimo o go fodišitše. . .? . . .

288 Ga wa swanela go tla godimo, atheraithisi yela e šetše e fodile, go tšwa moo o dutšego.

289 Bothata ka mokokotlong wa gagwe. Bjale e no retologa, eya pele gae thwi, o re, “Ke a go leboga, Morena Jesu, go mphodišeng.”

290 “Ge o ka kgona go dumela!” A o a dumela? Eba le tumelo, bjale. O se belaele. Go lokile.

291 Ga ke go tsebe, ke mosetsebjje go wena, eupša ge Modimo a ka mpotša ka wena, le lekga la rena la mathomo go kopana, eupša ge Modimo a ka mpotša ka wena, o tla dumela? Letšhogo, o na le go tsupuga ga setho, Moruti Orr, eya gae gomme o fole. Modimo a be le wena.


292 Bothata bja gago bja pelo bo lokile. Eya pele thwi. . .? . . .

293 Atheraithisi e tla tloga, ge o ka dumela. A o tla e dumela? Diabolo o nyakile go go bea malaong ka lehlotlo le lešweu. Eya gae bjale, dumela ka pelo ya gago yohle, fola.

294 Bothata bjoo ka pshiong ya gago, morago, eya gae, bo ya go go tlogela, o ya go fola.

295 A o dumela ka pelo ya gago yohle? Gabotse, bolwetši bjoo bja swikiri bja kgale bo ka se tsoge bja go tshwenya gape, ge o ka dumela. Eya gae.

296 O dumela ka pelo ya gago yohle? E no ba le tumelo ka go Modimo. Dumela, o se belaele. Eba le tumelo ka go Modimo.

297 Go lokile. Wena mohumagadi, o dumela ka pelo ya gago yohle? O nyaka go ema thwi fao? O a dumela Modimo a ka kgona go bolela le nna ka wena o emego fao? Ke tla retolla hlogo ya ka, gobane go ne batho ntle fale ba a rapela. Ke be ke leka go swara mo E bego e le gona. Ke nyaka go bolela le wena motsotso feela. Ge Modimo a ka mpotša se bothata bja gago e lego, goba moo bothata bja gago bo lego, goba se sengwe, o tla dumela ka pelo ya gago yohle? O na le letšhogo, bothata bja pelo. Yeo ke nnete. Se sengwe sa phošo ka leihlo la gago, sehloga godimo ga leihlo la gago. Yeo ke nnete. O nyaka go fodišwa. Moh. Clara, eya gae gomme o fole. . .? . . . 

60-0110 Kgošigadi Ya Seba  
Tift County Courthouse  
Tifton, Georgia U.S.A.

NORTH SOTHO

©2026 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)